

JESU KRISTE WA GO

SWANA MAABANE, LEHONO,

LE GO YA GO ILE



Ke a le leboga, kudu. Le ka dula. Ke bile nako ye nngwe ge e sa le ke le ka Salem, Oregon, pele. Gomme ka mehla ke letile ka ditetelo tše kgolo go boneng nako go bowa gape, go tla go etela bakgethwa ba ba Morena fa, ba ba diiletšego ka Salem le tikologo.

² Ga re dumele gore le ke lefelo la lena la go dula, gobane fa ga re nalo, eupša re nyaka Toropokgolo ye e tlogo ye Moagi le Modiri wa yona e lego Modimo. Kafao re bolela gore re baeti le basetsebje mo, e sego basetsebje seng sa rena, eupša basetsebje ka lefaseng, gobane bohwa bja rena ke bja godimo. Gomme re bile le monyetla e ka ba mengwaga ye mebedi ya go feta go etela ba bangwe ba bagwera ba rena, godimo ka Oregon fa, go dikologa Klamath Falls, gomme nako ye bjalo ya go makatša re bilego le yona.

³ Re le tlišetša madume go tšwa go ba bangwe go dikologa dikarolo tša go fapana tša lefase ba ba diiletšego le bona. Gomme ye ya rena . . . kopano ya ka ya go otlologa ya senyane. Mohuta wa go tla go lena gannyane nthatana go lapa, eupša ka mehla ke loketše go hlankela Morena ka go leemo e ka ba lefe nka kgonago.

⁴ Bjale, re na le dikopano tše tlhano tša letago di beakantšwe, bošegong bjo, le gosasa bošego, le pele go fihla Lamorena morago ga sekgalela, ke a nagana ke, Lamorena morago ga sekgalela ke tirelo ya rena ya go tswalela ka lesolong. Re nyaka go le leboga bohle bakeng sa go re bitša fa, thekgo ya mašeleng, le bakeng sa bohle ba ba šomišanago, bakeng sa moago wo wa go ratega, le se sengwe le se sengwe, o dirilwe bose kudu. Ke a nagana, go bolela setho, gore re dirile se sengwe le se sengwe- . . . le dirile se sengwe le se sengwe gabotse ka kgonthe.

⁵ Bjale, selo sa go latela go tla tšea . . . Re no se tsoge ra tla go bonana seng, se re se dirilego, ka mokgwa o tee, go bonana seng, eupša efela re tla go rapela Morena, le go leka go direla Mmušo wa Gagwe se sengwe. Gomme bjale, go ya go tšea tshetlana ye nngwe le ye nngwe ya matsapa re ka kgonago go e bea pele go e dira. Gomme e ya go . . . Bjale, ye ke kopano ye re e beetšego Mmušo wa Modimo, gomme ke mošomo wa Mokriste yo mongwe le yo mongwe go dira karolo ya bona, bontši ka mo ba kgonago, go bona gore ke katlego ye kgolo go Mmušo.

⁶ Bjale, makga a mantši rena badiredi, rena, ka mekgatlo ya go fapana, le go ya pele, eupša bohle re gatelela bakeng sa Lefelo le tee le legolo, soulo ye nngwe le ye nngwe re ka kgonago go šupetša ka tsela yeo, seo ke se re se dirago. Gomme re a tseba bjale maloko a na le, gape, sebakabotse se segolo, bjale, go bona go dira karolo ya bona ya bodiredi. Yo mongwe le yo mongwe wa lena o swanetše go ba moreri, gomme ke gore, go botša yo mongwe gape, go tliša balwetši le batlaišwa ka gare, go tliša badiradibe ka gare. Gomme re tla bjala Peu ya Modimo, le go rapela gore Modimo o tla neša Moya wo Mokgethwa godimo ga yona, le go tliša pele puno ye kgolo ya disoulo lebakeng la kopano ye.

⁷ Ao ke maikemišetšo a rena a mathomo ke go thopa disoulo; sa bobedi, go aga batho ba Modimo, Kereke; sa boraro, thapelo ya balwetši; le go dira e ka ba eng ye e robetšego ka maatleng a rena go thuša go dira bophelo bokaonana gannyane bakeng sa lena, gomme leeto gannyane . . . merwalo bohwefo gannyane.

⁸ Gomme re a holofela gore ge re tloga, gomme kopano e fedile, go tla ba . . . toropokgolo ka moka e tla holega, yo mongwe le yo mongwe, go e dira gannyane . . . lefelo leo le lego bonolo gannyane go dira gabotse, bothatana gannyane go dira phošo. Seo ke se re nyakago go se tlogela, gore, ge re tlogela toropokgolo.

⁹ Re nyaka go bega, godimo le fase lebopong, ka dikopanong tše re bilego le tšona godimo mo e be e le letago. Morena o re šegofaditše, mafelo a be a pakelane, gomme re bone dikopano tše pedi, dikopano tše pedi tša mafelelo di be di no ba e ka ba go felela, setulo se sengwe le se sengwe sa bagolofadi, taba ya leako, e ka ba eng e bilego, o lokolotšwe ke—ke Morena, ka ga yo mongwe le yo mongwe yoo a tlogo kopanong. Re be re leboga kudu go bega seo go bao ba lebeletšego phodišo ka bobona le baratwa ba bona. Gomme gape gore ba bantši ba phološitšwe, le go tlatšwa ka Moya wo Mokgethwa, le dikereke di šegofetše. Gomme ge re ikwela, go dira seo, re ikwela gore re bea pele karolo ya rena ye nnyane go thuša Mmušo wa Modimo. Gomme re mo, baena, le lena baena mo, ke leboga botho bja lena bja go ntaletša ka kua, le go ba le nna mo.

¹⁰ Gomme ke tlile bjale go—go dira se: Jesu o rile, “Mmušo wa Legodimo o bjalo ka monna yo a tšerego nnete, gomme a ya lewatleng. Gomme o gogile nnete, le se a se tšerego . . .” Bjale, ke a tseba gore yo mongwe le yo mongwe wa lena, ka dikerekeng tša lena, o ne nnete, gomme o no e hwidinya gohle go dikologa boagišani bja gago o leka go hwetša hlapi ye nngwe le ye nngwe o kgonago. Bjale, ke tla go bjala nnete ya ka le tša lena tšohle, gomme re tla obeletša ntlentle, go dikologa toropokgolo, mogohle, gomme re bone ge re ka se kgone go gogela ka gare se sengwe bakeng sa Mmušo wa Modimo. Seo ke se re lego mo bakeng sa sona, go dira se sengwe le se sengwe re ka kgonago go—go thuša.

¹¹ Bjale, ke, ke a nagana ke motheo wa dikerekemainamohlakanelwa, yo mongwe le yo mongwe o amogetšwe, Protestant, Katoliki, Bajuda, e ka ba eng e ka bago, modiradibe, mokgethwa, e ka ba mang, ebile le go letagwa ge a ka itshwara yenamong le go homola. O nno amogelwa go tla bjalo ka mang kapa mang, eupša o swanetše go itshwara, o swanetše go hlompha ntlo ya Morena.

¹² Re leboga bobolokelo bjo, goba bontši, goba e ka ba mang a bilego yoo a re dumeletšego go ba le moago wo wa go ratega, ke nagana ke wo mobotse. Ke be ke le godimo fa lehono ke o lebeletše, ke leka digodišamodumo, le go bolela, gomme gohle go o dikologa go nno phethagala. Gomme a le kgona go nkwa gabotse mogohle bjale?

¹³ Le a tseba batho, ke eriale, gomme ke mohuta wo mothata ge o tšea moago wa go se be le selo le go bolela, gomme ka gona wa tlatša moago ka batho le go bolela, ke phapano kudu. Gomme kafao bjale dinako tše dingwe go boleteng ke no ba go hlahlawetša gannyane, gobane ke nna moebangedi, moromiwa, gomme ke be ke tlwaetše go rera moo go nogo go ba mašemo, goba stediamo, ka ntle, moo nako ye nngwe o se nago le segodišantšu, o no swanela go goeleta ntle boka o be o goeletša dikgomo, eupša ga ke e re ka tsela yeo, gomme ke—ke na le nnete le tla kwešiša.

¹⁴ Gomme bjale, ka mehla bošego bja mathomo bja kopano ke bošego bjo bothata, gobane yo mongwe le yo mongwe o leka go tlwaelana seng. Gomme—gomme ba bangwe ba ka tlase ga tetelo, ba bangwe ba a makala, gomme ba bangwe ga se ba ke ba tsoge ba ba ka kopanong pele, gomme ba bangwe ba bona ba kwele, gomme—gomme ka gona ba thala dikgopolo tša bona. Selo sa pele modiredi ka mehla a se boletago se ratha gae le yo mongwe, ba bangwe ga ba nyake selo go dira le yona, gomme le na le tšohle tšeo go lwa ka tšona.

¹⁵ Eupša a re se beng go gononana seng sa rena. Ke a dumela gore le bana ba Modimo, ke nyaka le ntumele go swana, gore ke nna ngwanabolena, gomme ke fa go le thuša. Bjale, ke nna—ke nna motšwaborwa gomme—gomme ga se ka be ka tloga go polelo ya ka le bjale, le bontši bjo ke sepetšego go no ba go nokologa gannyane nthatana. Kafao le nkgotlelele, gobane ke no se kgone go nagana ka yona ka lebelo kudu, le a tseba, gomme ke no swanela go Mo letela go mpotša. Gomme kafao le nkgotlelele, nthapedišeng, gomme ke tla dira sa go swana, go le rapediša.

¹⁶ Bjale, ke naganne, bošegong bjo, re ne molaetša wo monnyane wa go tsebiša gore re mohuta wa go tsebiša kopano ka ona, feela polelo ye nnyane ye fomale. Gomme ka tsela yeo re hwetša mohuta wa go ithuta seng sa rena, go hwetša ma—ma maikutlo a rena seng, gona re dula thwi fase nako yeo ka kopanong.

17 Gomme bjale, ke nyaka le ntirele se, ke nyaka le . . . Go ne . . . Re ne bontši, ditulo. Ka mehla, ka dikopanong tše re bego re na le tšona, tsela yohle go tšwa Cow Palace godimo, e bile batho ga se ba kgone go hwetša setulo. Lefelo la mafelelo re bego re le go lona ba be ba eme, gomme lefelo le be le pakelane iri ya bohlano morago ga sekgalela, o be o sa kgone go fihla kgauswi le lona. Gomme kafao bjale, re ne madulo a mantši.

18 Gomme—gomme ke tseba batho fa ka Oregon ba ya kerekeng, gomme ke batho ba bakaone. Gomme batho ba Modimo mogohle ke ba bakaone. Gomme re rata go bona, dira karolo ya gago bjale go Mmušo wa Modimo, gobane boikarabelo ga bo gohlegohle go badiša ba lena goba go nna, bo godimo ga rena bohle go hlompha Modimo. Gomme bjale, dira karolo ya gago, re tla dira ya rena le gare ga yona, ke a dumela e tla ba selo se segolo, gomme seo ke se re se lebeletšego.

19 Ke dumela go Tleng ga Morena Jesu, ke dumela go bowa ga mmele ga Kriste. Ke a dumela go kgauswi ka kgonthe mo seatleng, ke a dumela re kgauswi le nako yeo bjale. Bjale, ga go yo a tsebago O ya go tla neng, ebile e sego Barongwa. O rile Tate a nnoši o tsebile seo. Kafao gona, ga re tsebe, eupša re ne maswao ao re lebeletšego go ona, go tseba gore ge dilo tše di thoma go direga gore nako e tla kgauswi. Kafao ka kgonthe re kgona go bona maswao a maatla a go kgodiša bjale, gore—gore nako e kgauswi.

20 Gomme kafao ke a dumela thekgo ya mašaleng ye ke baena ba Pentecostal, ke yo mongwe le nna. Eupša re nyaka le tsebe gore Pentecost, go lena Methodist, Baptist, le Presbyterian, re dumela lena Pentecostal le lena. Le a bona, Pentecost ga se mokgatlo, Pentecost ke boitemogelo bjoo bohle re ka bago le bjona. Le a bona? Ge eba o Mokatoliki, goba Mobaptist, goba Mopresbyterian, eng kapa eng o lego yona, Pentecost ke boitemogelo, gomme ke ya mang kapa mang a e nyakago. Yeo ke nnete. Gomme ke yo mongwe le yo mongwe. Ke na le ba bantši kudu. . .

21 Ke tšwele go kereke ya Baptist, ke sa na le kopanelo, dikopano tša go makatša tša bona, gomme ke na le Episcopalian, Presbyterian, bokamorago bja pele Katoliki bo ka lapeng la ka, ke nna Moirish. Gomme kafao go kgabola fale Modimo ga se nke a botšišolla e ka ba mang mo sefaleng, a ba rapelela, “Bjale, o tla swanela go fetoga go tloga go Methodist go ya go Baptist.” Yeo ga se kgopolo.

22 Le a tseba, ke mokgalabje, ke bogolo bja mengwaga ye masometlhano tharo, gomme ke bile le lapa la Branham mengwaga ye yohle, gomme le a tseba, ga se nke ba nkgopela go tšoenana lapa, go tlabana, eupša ke a dumela ke tswetšwe ke le Branham. Gomme kafao yeo ke tsela ye re dumelago re Bakriste. Le a bona? Re—re—re nagana o swanetše go tšoenana kereke tsoko

le go ba le kopanelo, eupša ka kgonthe, go ba Mokriste ke go tswalwa Mokriste, boitemogelo bja go tswalwa gape go beng Mokriste.

²³ Gomme bjale, a nke ke no gape, pele ke tšea sehlogo, ke go re re rapelela balwetši. Bjale, go ka no ba dingaka di dutše kgauswi. Ngaka, ga se ka tla go tšea molwetši wa gago, ke tla go rapelela molwetši wa gago. Le a bona? Ke—ke a dumela gore phodišo Kgethwa e bile ye nngwe ya dithuto tša go tshedišwa mahlo kudu, gomme ka gona, go bile bontši kudu gape go phodišo Kgethwa ye e ilego ntle ka tlase ga leina la phodišo Kgethwa, bjo bo bego ba se bja swanela go be bo ile ntle, re—re lemoga seo. Ka kerekeng, phološo, e bile bontši bja yona bo tšwetše ntle, oo, mohuta wa bodumedi bja bohlae, yo a nogo go tšoenā kereke bjalo ka lotše, le go e tlogela yohle e ye. Ga re dumele seo. Re a dumela o swanetše go tswalwa gape, re a dumela o swanetše go ba Mokriste ka tswalo.

²⁴ Gomme ke a dumela go na le dilo tše dintši di ilego ntle ka tlase ga phodišo Kgethwa, tlhokomelo ya phodišo Kgethwa, goba go bitša seo, gomme go tla . . . go tla ba se sengwe le se sengwe gape eupša phodišo Kgethwa, mehuta yohle ya maikutlo, le—le go ya pele.

²⁵ Eupša ke tla itira nnamong go hlaka, gomme ye e a gatišwa, gore ke a dumela gore tšhegofatšo ye nngwe le ye nngwe ya topollo ye e yago go morafe wa batho o šetše a lefeletšwe, gomme ke ya gago, gore “O gobaditšwe bakeng sa dikarogo tša rena; ka megogoma ya Gagwe re fodišitšwe.” Ke lebaka le le fetilego. Ke a dumela gore ge Jesu Kriste, Morwa wa Modimo, a hwile kua Khalibari, O rekile phološo ya rena, gomme sebe se sengwe le se sengwe ka lefaseng se lefetšwe.

²⁶ Bjale, e ka se tsoge ya go dira botse go fihla o e amogela bjalo ka phahlo ya gago mong ya sebele. Eupša ge o leka go no re, “Gabotse, O lebalela dibe,” ee, kgaogelo ya Kriste, lehu la Kriste le boelantše bakeng sa dibe, “Kwana ya Modimo yeo e tlošago sebe sa lefase,” eupša o swanetše go Mo amogela bjalo ka Mophološi wa gago, goba e ka se tsoge ya go dira gabotse.

²⁷ “Ka megogoma ya Gagwe re fodišitšwe.” Kagona, ga go motho a ka tsogego a phološa soulo goba go fodiša motho wa go babja, e šetše e dirilwe ka Khalibari. Ke a dumela Khalibari e lefile tefo, Jesu Kriste mo Khalibari o lefile tefo.

²⁸ Bjale, ke a dumela ge o ka tla ka tlase ga thuto ya modiša wa gago, le go dumela go Morena Jesu, le go Mo amogela bjalo ka Mophološi wa gago, ke a dumela o tla phološwa. Yeo ke nnete. Gomme ke a dumela gore ge o ekwa Lentšu la Modimo le rerwa, le go bolela gore Ke . . . gore O gobaditšwe bakeng sa dikarogo tša rena, ka megogoma ya Gagwe re fodišitšwe, gomme o tla e amogela godimo ga motheo woo, yeo ke tsela ye e dirwago.

Ka gore Yena ke Moprista yo Mogolo, gonabjale, yo a dirago dipoelano godimo ga boipolelo bja rena.

²⁹ Le a bona, sa pele re a e amogela, gomme re ipolela O e dirile, gomme ka gona A ka kgonago go ya go šoma ka go boprsta bja Gagwe bjo bogolo bjalo ka Moprista yo Mogolo go dira dipoelano godimo ga boipolelo bja rena bja se A re diretšego kua Khalibari. Seo—seo se a dumelelana, a ga se dire, baena? Ee. Le a bona, gore O . . . seo A re diretšego kua Khalibari, sa pele re a se amogela, re a se dumela, re ipolela sona, gomme ka gona Yena ke Moprista yo Mogolo go dira botse se re ipolelago gore O se dirile. Le a bona? Seo ke sa phodišo goba phološo.

³⁰ Bjale, ke a dumela gore Modimo a ka dira e ka ba eng yeo A dumago go e dira, gobane Yena ke Modimo, eupša ke rata yona go no tšwa ka Beibeleng, gona ke a tseba ke a rereša. Ke dumela Beibele go ba Lentšu la Modimo la go se palelwe, ga ke dumele Le swanetše go oketšwa goba go fokošwa.

³¹ Bjale, bjalo ka ngwana, mošemane yo monnyane, mme le tate bobedi Moirish, ge ke ikwetše pitšo yela ya Modimo, ke ile tlase kerekeng, gomme moprista o mpotša gore phološo e ka kerekeng. Gabotse, morago ke tla go hwetša go tšwa go bagwera ba ka bao e bego e le ba dikereke tša go fapana, ke efe ya tšona dikereke e nago le phološo ka go yona gona? Le a bona? Ge Katoliki e ka ba nnete, gona Lutheran ka kgonthe e fošagetše; ge Lutheran e le nnete, gona go ne se sengwe sa phošo ka Mabaptist. Kafao ke efe ya tšona dikereke e tla bago nnete?

³² Ka morago ga go puruputša, go leka go hwetša, go epa, le e ka ba eng nka kgonago go e dira, ke tla go hwetša gore Modimo o ka go Lentšu la Gagwe, gomme Lentšu le a rereša. Modimo a ka se ahlole lefase ka kereke, eupša ka Lentšu, ka gore ke bona godimo ka go Puku ya Kutollo e rila, “Mang kapa mang a ka tlošago Karolo e tee goba a oketša e ka ba eng go Lona, wa go swana go tla tlošwa karolo ya gagwe go tšwa go Puku ya Bophelo.” Gomme ka gona ke a dumela ga Le palelwe, gore Le swanetše go bolokwa feela ka tsela ye Le ngwadilwego.

³³ Ke a dumela Lona ga se la tlhathollo ya sephiri. Ke a dumela Ke lona . . . Modimo o šeditše godimo ga Lona, gomme Le no ba tlwa tsela, gore O tla ahlola lefase, ka Puku ye. Bjale, O swanetše go ba le selekane, felotsoko, go ahlola lefase ka sona. Kafao kereke e tla ahlolwa ka Lentšu.

³⁴ Fa ke ka fao ke—ke naganago ga Le palelwe: ga Le palelwe kudu, go fihla le ge Efa, e sego go se dumele, eupša go theetša go fa mabaka mo gonnyane kgahlanong le Lona, o hlotše lehu le lengwe le le lengwe, le manyami a mangwe le a mangwe, le bohloko bja pelo bjo bongwe le bjo bongwe. Seo ke se a se dirilego.

³⁵ Ke a dumela gore mosadimogatša wa Loto, bjalo ka ge a laetšwe ke Morongwa go se lebelele morago, gomme o retologile

le go lebelela morago, gomme o eme lehono, pilara ya letswai, gobane o nno se dumele Lentšu la Modimo bontši bjoo. Bjale, o bile le lebaka le lekaonana go feta wena le nna re nago nalo. Le a bona, bana ba gagwe, gomme ditlogolo tša gagwe di be di tuka godimo ka go Dikahlolo tša Modimo. Gomme megoeletšo ya bana ba gagwe mong, le ditlogolo tša gagwe, gomme pelo ya mme e lla e no se obamele Lentšu la Modimo go lekanela go lebelela godimo ga legetla la gagwe, gomme fao o retologile.

³⁶ Le a bona, ke a dumela Lentšu le swanetše go no ba tlwa ka tsela ye Le ngwadilwego, feela seo. A le tla Le dumela le nna? Godimo ga motheo woo, a re itudišeng renabeng bjale go Lentšu le go bolela ka Lentšu. A re rapeleng bjale, ge re inamiša dihlogo tša rena.

³⁷ Ka dihlogo tša rena di inamišitšwe, ka kgonthe go na le dikgopelo tše dintši ka moagong. Ka tlhokofalo pele ga Modimo, ge o na le kgopelo yeo o ka ratago Modimo a e dira, lebakeng la nako ya kopano ye, phagamišetša seatla sa gago godimo go Yena bjale gomme o re, “Ka se, Modimo, ke nyaka O nkgopole. Ke na le moratwa yo a nyakago go phološwa. Ke na le bolwetši, goba se sengwe.”

³⁸ Tate wa rena wa Legodimong, re batamela Terone ya Gago ya mogau. Re ka se nyake go tla ka Terone ya toka, gobane re ka se kgone go ema fale; re ka se kgone go tla ka Terone ya Kahlolo, re ka se kgone go ema fale. Feela, re swanetše go ahlolwa gobane re ba lefase, moloko wa Adama wo o welego, eupša re tla ka Terone ya kgaogelo.

³⁹ Gomme Jesu, ge A be a le lefaseng, o rile, “Ge le ka kgopela Tate e ka ba eng Leineng la Ka, se tla fiwa.” Gomme ke a kgopela bjale pele, Morena, go lebelela dikarogo tšohle tša rena kgahlanong le melao ya Gago, re swarele, Morena, yo mongwe le yo mongwe. Re rapelela banešu badiredi, bakeng sa phuthego ya bona, bakeng sa dibe tša toropokgolo, le tša setšhaba, tša batho mogohle.

⁴⁰ Modimo, ke rapelela sebe sa ka mong, gomme re a tseba gore sebe setlogong ke gosedumele. “Yo a sa dumelego o šetše a ahlotšwe.” Gomme ke gosedumele go re dirago go dira mabosenyi a maitshwarohlephi a re a dirago, gomme ge feela re dumela, re ka se dire dilo tšeo. Kafao ke a rapela, Tate, gore O tla swarela gosedumele ga rena, gomme o tla tla go yo mongwe le yo mongwe wa rena bošegong bjo, le go bea godimo ga rena tumelo ye e tla arabago kgopelo ye re nago nayo ka fase ga diatla tša rena, e fe, Morena, yeo e lego ka pelong ya rena.

⁴¹ Re tlile mo ka go kwa re etellwapele ke Moya wa Gago. Sathane o lwa kgahlanong, go leka go re tloša go se tle, eupša ke ka lebaka leo ke dumelago bontši kudu gore go na le se sengwe se re boloketšwego. Gomme re gatelela ntwā bošegong bjo, gomme O butše tsela.

42 Bjale, Tate, a nke bohle re sware pono gomme re gopole se re se kgopetšego, gomme fao re gatelela pele ka kgopelo ya rena. Gomme ke bea ya ka godimo ga aletara ya sehlabelo bošegong bjo, thapelo ya ka, tumelo ya ka, tšohle godimo ga aletara ya Gago ya gauta moo Sehlabelo sa rena, Kriste, se robetšego le thapelo le kgopelo ya batho ba bohle. Gomme mmogo re kgopela tšhologelontle ye kgolo ya Moya wa Gago. Morena, dira ka go fetiša ka botlalo ka godimo ga tšohle re ka kgonago go di dira goba go di nagana. A nke e tšhollelwe godimo ga kopano ye, Morena.

43 Gomme ge go fedile, a nke go be le tsošetššo ya fešene ya kgale e phulege ntle go kgabola naga mo, gomme dikereke tšohle di tuke bakeng sa Modimo, disoulo di phološwe, gomme batho ba fole, gomme letago le tlišwe go Mmušo wa Modimo. Godimo ga thapelo ye, le tše dingwe tše di robetšego godimo ga aletara ya Gago ya gauta, re kgopela godimo ga tšona Leina la Jesu Kriste, gore O tla re araba go ya ka kgaogelo ye kgolo ya Gago. Amene.

44 Le se lebale tirelo ye nngwe le ye nngwe. Gomme ke a dumela gore morwa wa ka o mpoditše, ge ke fihla ka morago ntle mo, gore go bile le difihlolo tša bodiredi mo mosong. A yeo ke nnete? Mo mosong. Gabotse kudu, ka mehla ke—ke rata go kopana le baena ba ka le—le go bolela le bona lebakana le lennyane, le go tsebana, le go mpshafatša tsebano. Gomme bjale, yo mongwe le yo mongwe elelwang bjale, a re direng karolo ya rena.

45 Gomme bjale, ga ke tsebe ke nako mang lena batho ka mehla le tswalelago ditirelo tša lena mo. Gomme dinako tše dingwe. . . Ke nna moromiwa, gomme ka mehla re no swanela go e betha ge re ka kgona le go dula ge feela ka kgonagalo re ka kgona. Gomme—gomme ke be ke swarelela batho thari gannyane, e sego boka ke e dira ge ke le gae.

46 Ke be ke le legaeng la ka kgauswana, gomme ke a holofela ga ke le tšhoše, ke rerile ye nnyane, tirelo ye kopana, diiri tše tshela. Eupša yeo e be e no ba ye kopana. Eupša. . . Gomme eupša, gobaneng ke a holofela ga ke dire seo fa, eupša ka mehla e ka ba metsotso ye masomenne tlhano, goba se sengwe boka seo, gona re. . . ge eba re ya go ba le mothalo wa thapelo. Gomme kafao bjale, le nthapedišeng bjale ge re tswalela bjale, bakeng sa Lentšu.

47 Bjale, wo e no ba wo monnyane, molaetša wo fomale woo ka mehla re theago bošego bja mathomo, gomme ka gona go tloga fao go ya pele gona re bona se Morena a tla re fago sona.

48 Ka go Mokgethwa Johane 12:20 re bala mantšu a:

Gomme go be go le Bagerika ba ba itšego magareng ga bona ba ba tlilego godimo go. . . monyanya:

Ba go swana ba tlile. . . go Filipi, e bego e le wa Betsaida ya Galelia, gomme ba mo kganyoga, ba re, Bahlomphegi, re rata go bona Jesu.

Mokgethwa Johane 12:20. Ka go Bahebere tema ya 13 gomme te—te tema ya 13 le te—te temana ya 8:

Jesu Kriste wa go swana maabane, . . . lehono, le go ya go ile.

⁴⁹ Bjale, go na le setatamente se segolo: *Jesu Kriste Wa Go Swana Maabane, Lehono, Le Go Ya Go Ile*. Bjale, Bagerika ba ba be ba nno swarwa ke tlala bjalo ka mang kapa mang. Tumo ya bona, ba be ba kwele ka Jesu gomme ba be ba nyaka go bona Jesu. Gomme ga ke dumele gore e ka ba mang a ka tsogego a kwa ka Jesu eupša yo a hlologelago go Mmona. A yeo ke nnete? Bjale, ge ke bolela se sengwe gomme le re, “Amene,” seo se ka se ntšhoše nthatana, se tla ntlhohleletša. Bjale, ke ba bakae mo ba ka ratago go bona Jesu? A re boneng seatla sa gago. Re tla rata go Mmona.

⁵⁰ Bjale, bjalo ka ge ke sa tšo dira ditatamente tša ka, ke dumela Lentšu go ba Therešo. Bjale, Bagerike ba ba tlile ba kganyoga go bona Jesu, gomme ba swanela go e dira, ka yo mongwe wa bahlanka ba Gagwe. Gabotse bjale, ge A swana maabane, lehono, le go ya go ile, gomme re hlologela go Mmona, go reng ka yona? Mmm? Le a bona? Fao e bea Lentšu la Modimo go makgaolakgang. Le a bona?

⁵¹ Ge re hlologela go Mmona, gomme O a swana maabane, lehono, le go ya go ile, gomme yo mongwe wa bahlanka ba Modimo o tlišitše Bagerika ba ka Bogoneng bja Jesu, gona re swanetše go ba le selo sa go swana lehono, ge A swana. Bjale, re a e dumela, gore O a swana le ge A bile nako yela.

⁵² Bjale, re tla Mo tseba bjang ge re Mmone? Bjale, ge re be re eya go re, “Gabotse bjale, O tla ahloganya bjang moriri wa Gagwe? A O be a na le dikhele tše telele go theoga magetla a Gagwe? A O be a na le moriri wo mohubedu? A o be o le hlogopudutšwana? A O be a na le moriri le gatee? A O be a le hlogo ya lefatla? A O be—a O be a le mahlo a bolou, mahlo a tsotho? A O be a le monna yo mogolo, monna yo monnyane?” Gobaneng, re no ahlaahla seo diiri tšohle, gomme yo mongwe le yo mongwe o ne kgopolo ya go fapana. Kafao re ka se kgone go kopana godimo ga wona motheo.

⁵³ Gabotse gona, go ka reng ge nka re re ya ntle fa ka toropongkgolo bošegong bjo, gomme re tla hwetša monna yo gabotse re ka kgonago go hwetša mabadi a dipikiri seatleng sa gagwe, diatla bobedi, le mengwapo ya meetlwa tikologong fa, le lebadi ka lehlakoreng la gagwe, feela ka tlase ga pelo ya gagwe, gomme o tla be a apere kobo, le—le go swanela dinyakwa tša rena? Go le bjalo seo se ka ba gore. . . Ka kgonthe, ge re topile motho yo bjalo, e ka se be Jesu. Mo go Tleng ga Gagwe la Bobedi, letolo le lengwe le le lengwe le tla kobega gomme leleme le lengwe le le lengwe le tla ipolela. Gomme ge mmele wa Gagwe wa nama o bowa lefaseng, go tla ba bjalo ka letšatši le phadima

go tšwa bohlabela go ya bodikela. A le dumela seo? Nnete. Go ka se be.

54 Re tla tseba bjang Jesu gona? Tsela ye ke naganago gore re tla Mo tseba e tla ba ka tlhago ya Gagwe, se A bego a le sona. Bjale, ge ke eya go botšiša, “A Baptist e a dumela ke kereke ya bona? Presbyterian?”

“Ee.”

“Katoliki?”

“Ee.”

“Protestant? Kafao . . . Bajuda?”

55 “Ya.” Goba eng. . . E sego Bajuda, nnete ga ba dumele go Morena Jesu go beng Morwa wa Modimo. Eupša baena ba rena ba go fapana ba Pentecostal, mekgatlo ya go fapana ya bona, ba tla re, “Ee, ke ka go ya rena.” “E ka go ya rena,” le go ya pele. Eupša bjale, a re nong go bolela seo se lokile, seo se ka go bohle ba bona. A re nong go e dumela.

56 Eupša bjale, ka kgonthe, go ne phapano ye ntši kudu gore go swanetše go ba tsela ye nngwe go bega, phosithifi, se A lego, le a bona, ka gore Beibele e rile O a swana.

57 Kafao yo mongwe wa bona o re, “Re dumela go bolelang. . . go bušetša dithapelo.” Yo mongwe o na le Theteletšo; yo mongwe o na le thutotumelo ye e itšego ye ba fetago go yona. Yo motee o re, “Ke a dumela ge o bolela ka maleme e tla ba Yena.” Yo mongwe o rile, “Ke a dumela ge o bina ka Moya yoo e tla ba Yena.” Gomme re na le mehuta yohle ya maikutlo le se sengwe le se sengwe gape.

58 Eupša, gomme ka gona ka go seo fao go na le go se dumelelane mo go bjalo, yo motee o tla re, “Gabotse, ga ke dumele o dira se,” gomme yo mongwe o re, “O se ke. . .” Eupša go swanetše go ba tsela tsoko ye re ka kgonago go tla lefelong go tseba, ka kgonthe, ke Yena Mang le Se A lego. Le a bona, go swanetše go ba felotsoko. Le a bona?

59 Yo motee o re, “Gabotse, ke goleditše,” yo mongwe o re, “Ke binne ka Moya,” yo mongwe o re, “Ke boletše ka maleme.” Dilo tšeo di lokile, di lokile. Eupša efela, le a bona, e hlola pha—pha phapano. Yo motee o re, “Ke na le yona ka tsela ye,” yo motee o re, “Ke na le yona e lla,” yo mongwe o re, “Ke na le yona ka go tonya, go roromela,” yo mongwe o re, “Ke bone seetša,” gomme yo mongwe. . . Le a bona, go ne phapano ye ntši kudu, go swanetše go ba tsela ye nngwe yeo re tla tsebago kgonthe, kafao go ka se be le potšišo ka monaganong wa rena. Gomme Beibele e rile O a swana, kafao go swanetše go ba tsela ye nngwe ya go tseba. A ga le nagane bjalo? Ke nagana go swanetše go ba tsela ye nngwe ya go e tseba.

60 Bjale, ga ke dumele gore Beibele e boletše dilo tšeo, le go dira ditshepišo tšeo ntle le go kgona go e phethagatša. A ga le dumele

seo? Abraham, yo re lego Peu ya gagwe, “Ge re le ka go Kriste, re Peu ya Abraham,” gomme Abraham o be a fenyegile ka botlalo, Baroma 4, gore O be a kgona go—go boloka, goba go dira, seo A tshepišitšego go se dira. Gomme ge Modimo a dira tshepišo gomme a sa eme ka morago ga yona, gona Yena ga se Modimo. Gomme ge A dira tshepišo, O kgona go ema ka morago ga yona goba A ka se tsoge a dira tshepišo.

⁶¹ Bjale, nna ke—nna ke ne magomo, gomme Yena ke mohlokamagomo, ka fao Yena ga a kgone go dira phošo, nka kgona, o ka kgona, baena ba rena ba ka kgona, bohle re kgona go dira diphošo, re na le magomo. Lehono, ge ke sa tsebe go feta ka mo ke dirilego ngwaga wa go feta, ga ke tšwelepele e ka ba gofe, eupša Modimo ga a kgone go tšwelapele, gobane O phethagetše le go thoma, gomme sephetho se sengwe le se sengwe se phethagetše.

⁶² Bjale theetšang, ge Modimo a ka tsoge a bileditšwe go lefelotiragalo go dira sephetho, ge gatee A dira sephetho sela seo se e ruma Gosafelego, A ka se tsoge a tla morago le go re, “Ke be ke le phošo fale.” Gomme ge A sa dire, nako le nako, ka tsela ye A dirilego lekga la mathomo, O dirile phošo lekga la mathomo. Le a bona, O phethagetše. Kagona ge A ka tsoge a biditšwe go—go dira e ka ba eng, gomme sephetho sa Gagwe gatee se dirilwe, seo se fedile neng le neng, Gosafelego.

⁶³ “Bobedi magodimo le lefase di tla feta, eupša Lentšu lela le ka se tsoge la palelwa,” gobane Ke karolo ya Modimo. Le a e bona? Kagona lebelelang, ge Modimo a bileditšwe go lefelotiragalo go phološa motho yo a lahlegilego, tsela ya Gagwe ya mathomo ya go tliša motho yola go phološo e bile ka madi, Ga se nke A e fetola.

⁶⁴ Batho ba phološitšwe feela . . . Go ne lefelo le tee feela la kopanelo le Modimo, gomme leo ke ka tlase ga madi a tšholotšwego. Ga se ya ke ya tsoge ya ba ka thutotumelo, ga se ya tsoge ya ba ka kereke, ga se ya tsoge ya ba ka mokgatlo, ga se ya ke ya ba ka setšhaba, ke ka madi. Israele e kopane ka tlase ga madi a tšholotšwego, le gohle go kgabola lebaka, gomme re sa kopana ka tlase ga Madi a tšholotšwego, ge re sa dire, re ka se kgone go ba le kopanelo. Yeo ke nnete.

⁶⁵ Re . . . Kopanelo e bušeditšwe feela go Modimo ka Madi, ka gore moloko wa motho o kgona feela go kopana le Modimo bjalo ka Sehlabelo sa Madi se eme kua bakeng sa gagwe. Amene. Seo se re fa netefatšo, tlamatsego, e sego selo se sengwe sa nonwane se se profetilwego ka matšatšing a mafelelo mo, se sengwe le se sengwe se tla tla go . . . go dikologa, le mehuta yohle ya dilo. Eupša re dumela Lentšu go ba Therešo ya Modimo, ka fao Le ka se tsoge la palelwa. Gomme sephetho sa mathomo sa Modimo e bile go phološa motho ka madi a tšholotšwego, gomme O tla . . .

motho yo mongwe le yo mongwe yoo a kilego a tla go Modimo o tla ka tsela yeo ya go swana nako le nako.

66 Gomme sebaka sa Modimo bakeng sa phodišo Kgethwa e be e le godimo ga motheo wa tumelo, gomme yeo ke tsela ya go swana A ba fodišago bošegong bjo, ke motheo wa tumelo. Ga go kgathale monna yo mogolo gakaakang . . . Ge Kriste, Yenamong, a be a eme fa, mo phuluphithing, ka sutu ye yeo A mphilego, ge A ka be a eme fa ka go sutu ye, O be a ka se kgone go go fodiša, le gatee; O šetše a e dirile. A ka no dira se sengwe go go kgodiša, goba a go šupetša go Lentšu, gomme seo se tla kgodiša, gomme A ka bontšha ka mpho ye Kgethwa gore O be a le Kriste, eupša A ka se kgone go go fodiša, gobane O šetše a e dirile.

67 O ka kgona bjang go lopolla e ka ba eng morago ga ge e šetše e lopolotšwe? Amene. Seo . . . Le bona se ke se rago? Ge topollo e fedile, e fedile. Ge nkabe ke na le thipa ya ka tlase mo ka lebenkeleng la tša kgale, gomme ke rekile thipa morago, le go lefa tefo, le—le go hwetša thekethe, gomme gabotse monna yola o ya go ntefiša yona gape bjang? Ke na le rasiti ya gagwe mong, e šetše e lopolotšwe.

Ke re, “Ke nyaka go lopolla thipa ya ka.”

“O na le rasiti ka seatleng sa gago.” Oo, nna!

68 Gomme ge monna goba mosadi e ka ba mang a etla go Kriste ka botlalo bja tiišetšo ya lehu la Gagwe, poloko, le tso go, gomme ke mohola go ditšhegofatšo tše dingwe le tše dingwe tša topollo tšeo Jesu a di hwetšego, gomme o . . . O go fa puku ya tšeheke le Leina la Jesu le ngwadilwe godimo ga botlase bja ye nngwe le ye nngwe ya tšona, “Kgopelang Tate e ka ba eng Leineng la Ka . . . Ge le dula ka go Nna gomme Mantšu a Ka ka go lena, kgopelang se le se ratago, gomme le tla se direlwa.” Ga o no hwetša . . . O boifa go kheša tšeheke, o se e dire.

69 Ka mehla ke be ke fela ke re ke kopana le magoro a mabedi a batho, mo dinakong tša ka go dikologa lefase, ka mošomong wa boromiwa. Ke—ke kopana le magoro a mabedi a batho, le lengwe la ona ke Pentecostal, le lengwe ke motheo. Ka maemo wa motheo o tseba mo a emego, o e tšea ka Lentšu, “Ke nna morwa wa Modimo ka boipolelo bja ka.” Le a bona? Ka maemo o tšea boemo bjoo, eupša ga—ga a ne tumelo ka go se a bolelago ka sona. Pentecostal e na le tumelo ye ntši, eupša ga a tsebe mo a emego, ga a tsebe ke yena mang.

70 Go no swana le ge monna a na le tšhelete ka pankeng, gomme ga a tsebe mokgwa wa go ngwala tšeheke, gomme yo mongwe o kgona go ngwala tšeheke, gomme ga a na tšhelete ka pankeng. Ge o ka tso go wa tliša ba babedi bale mmogo! Ge nka kgona go hwetša tumelo ya Pentecostal le—le—le thuto ya motheo, goba—goba pele le morago, go dira Mapentecostal go lemoga ke bona bomang! Ke barwa le barwedi ba Modimo, ba šetše ba hwile, ba

bolokilwe, ba tsogile gape, le go dula ka mafelong a Magodimong ka go Kriste Jesu, e sego “O tla ba.” “O gona.”

71 Dinako tše dingwe ke a nagana . . . Letšatši le lengwe ke diregile go betha se sengwe seo se kwagalago go tlala go nna, gomme ga se gantši nkilego ka betha e ka ba eng yeo ke dirago e ka ba eng go tšwa go yona. Eupša ke be ke nagana, feela pele ke fihla tlase go hwetša se, se ke lekago- . . . ke yago go leka go se bolela go lena, ke be ke nagana ka Israele tlase ka Egepeta. Gomme ba be ba le makgoba, gomme efela ba be ba le bana ba Modimo. Bohle re tseba kanegelo.

72 Gomme ba . . . Ge ba ba lahletše borotho bja go uta, ba ile ba swanela go bo ja, ge ba katile barwedi ba bona, ge ba bolaile barwa ba bona, goba e ka ba eng ba e dirilego, e nno dirwa, ba be ba le makgoba. Gomme efela bona ba be ba le bakgethiwa, bakgethiwa ba Modimo, ka tshepišo ba letile go fihla nako ya phethagalo. Eupša go tlile letšatši, ba ile kgole kudu go tloga go yona, go fihla ba sa e lemoga, ba be ba sa tsebe nako e tla neng; eupša Modimo ka mehla o mo nakong.

73 Bjale, seo ke se e lego bothata ka Mapentecostal lehono, ga ba lemoge gore nako e fa. Nako e tlile, tshepišo ya Modimo go phethagatšwa.

74 Bjale, letšatši le lengwe, go gatela fase go tšwa lešokeng, go tlile moprofeta ka Pilara ya Mollo godimo ga ya gagwe . . . godimo ga gagwe, e mo hlahlala. O dirile mehlolo le go ya pele, le go ba botša gore go be go le naga ye e bego e ela maswi le tadi. Ga go yo motee a kilego a ba fao, ga go le o tee wa bona, ba nno kwa ka yona, “Tumelo e tla ka go kwa.” Kafao ba tlogile, le moprofeta yo, go kgabola lešoka.

75 Gomme ba tlile lefelong le le bitšwago Kadese-banea. Yeo e kile ya ba setulo sa kahlolo sa lefase. Gomme fale ge Israele e kampile . . . Gomme go bile moo e ahlotšwego, le sebe. Gomme Joshua, mohlabani yo mogolo, gomme lentšu *Joshua* le ra “Jehofa Mophološi,” mohlabani yo mogolo yo o kgabaganyeditše mošola wa Jorodane, ga go le o tee wa bona a kilego a ba pele, a tsheletšego mošola wa Jorodane go ya nageng ye ya tshepišo, gomme o tlile morago le bohlatse gore e be e le naga ye botse, gomme e be e le therešo.

76 O be a dira eng? A tiišetša Lentšu la Modimo, le a bona, a laetša gore se Modimo a se tshepišitšego, Modimo o se dirile. Le a bona, kgwerano ga e na le mabaka.

77 Modimo o dirile dikgwerano tše tharo, e tee le Adama, o e robile; ye nngwe le Noage, gomme e be e . . . ya robega; eupša ge Modimo a dirile kgwerano le Abraham, e be e le “Ke tla dira,” e sego, “Ge o rata,” O rile, “Ke dirile,” ke kgwerano ya Modimo ya go hloka mabaka yeo A e dirilego le Abraham le Peu ya gagwe. Gomme re ba Peu ya gagwe ge re hwile ka go Kriste.

⁷⁸ Bjale hlokomelang, gomme ka go nako ye kgolo ye, ge a tlišitše bohlatse morago, Israele e sepeletše godimo ka nageng, gomme fao ba be ba se ba swanela go ba ka tlase. . . makgoba. Ba be ba kgona go ba le dirapana tša bona beng, le go godiša bana ba bona, le go godiša dikereke tša bona, le se sengwe le se sengwe. Eupša mafelelong botšofadi bja thoma go ba swara, ka morago ga lebakana godimo ga naga yela ya go ratega ya tshepišo go be go le matlapa a mabitla godimo ga dithaba mogohle.

⁷⁹ Ka gona go theoga go tšwa Letagong go tlile yo mogologolo go Bahlabani bohle, Jehofa Mophološi yo mongwe, Jesu, Morwa wa Modimo. Gomme O boletše gore go na le Bophelo ka morago ga lehu, moo go sego matlapa a mabitla le serapa sa mabitla, “Ka gore ka Ntlong ya Tate wa Ka go na le dintlokgoparara tše ntši. Ge go ka be go se bjalo nkabe Ke le boditše. Gomme Ke tla ya go lokiša lefelo, gomme ka gona ka tla gape go le amogela go Nnamong.”

⁸⁰ O tlile go phološa moloko wa batho ba ba hwago, gomme O tlile Kadese-banea ya Gagwe, Khalibari, kahlolo, moo, e sego feela setulo sa kahlolo sa lefase, eupša O be a ahlotšwe bakeng sa lefase. Kua O rweletše bokgopo le dibe tša rena bohle kua Khalibari, gomme O hwile, go fihla letšatši le ngwedi le dinaledi di sa phadime. Gomme O tsheletše mošola wa Jorodane, yeo re e bitšago Jorodane, “lehu.” Eupša ka letšatši lela la boraro O tsogile gape, a tliša bohlatse morago boka Joshua a dirile, “Naga e gona. Ke nna Yo a bego a hwile, gomme ke a phela go ya go ile, gomme ke swere dinotlelo tša lehu le hele.” Ga se A hwa, O tsogile.

⁸¹ Gona re ne tiišetšo ya Bohwa bja rena, O boditše Kereke, “Eyang godimo kua go Pentecost, godimo go—go. . . matšatši a lesome godimo ka Jerusalema, letang godimo kua *botelele bjalo*. Ke ya go le romela tiišetšo ya Naga ye kgolo ye.” Gomme re ipolela dibe tša rena, gomme re hwa go renabeng, gomme re tsoga le Yena, gomme re ne bohlatse.

⁸² Lebelelang moo re bego re le, lebelelang moo re lego. Amene. Le a bona, re kile ra ba tlase *fale*, bjale re godimo *fa*, re šetše re swere bohlatse gore re hwile le go bolokwa ka go Kriste, le go tsoga gape ka tsogong, le go dula, bošegong bjo, le Yena ka mafelong a magodimong ka go Kriste Jesu. Oo, nna. Diabolo yo mongwe le yo mongwe, bolwetši bjo bongwe le bjo bongwe, bolwetši bjo bongwe le bjo bongwe, se sengwe le se sengwe se fentšwe ke Yena. Yena ke mofenyi yola yo maatla. Ga ra swanela go fenyga gape, e šetše e fentšwe. Re šetše re hwile, re šetše re tsogile, amene, re šetše re tsogile go tšwa bahung.

⁸³ Ke ba bakae ka mo ba ikwelago ka tsela yeo bošegong bjo? E nong go lebelela mo. O šetše a tsogile go tšwa bahung, o kile wa hwa ka go pelaelo, dikarogo, o belaetše Lentšu la Modimo, o Le belaetše go ba therešo.

⁸⁴ Bjale, o re, “Batho ba bangwe ba no ba ba bodumedi, ba no tlogela go utswa, ba tlogela go aketša.” Bao—bao ga se Bakriste, bao e no ba batho ba itirišago. Ka mehla go ne magoro a mararo a batho, mogohle, bao ke badumedi, baitirabadumedi, le basedumele. O na le bona ka go sehlopha se sengwe le se sengwe, ka mehla ba—ba fao. Kafao batho ba no . . . Eupša boipolelo, ba tla godimo, ba re, “Gabotse, ke ipoletše bodumedi nako ye telele ya go feta.” Go šokiša. Le a bona?

⁸⁵ Selo se o nyakago go se dira ke go hwa go wenamong, gomme morago wa bolokwa ka go Kriste, le go tsoa le Yena ka tsohong ya Gagwe, le go dula bjale ka mafelong a Magodimong. Le a bona? Gona gosedumele ga gago go a feta.

⁸⁶ Moya wa Modimo o ka bjang go dula ka go wena, gomme wa gana Lentšu, mola Moya wa Modimo o ngwadile Lentšu? Le a bona, o ka se kgone go e dira. Ge o gana Lentšu, go na le se sengwe ka go wena se go botšago Ga go bjalo, gona seo ke gosedumele, o sa le ka sebeng. Lebelela baprista bale le Bafarisei, ka fao ba bego ba le ba bodumedi, banna ba bakgethwa, bjalo ka ge re e bitša lehono, gomme Jesu o rile, “Ke lena ba tataweno, diabololo, gomme le dira mediro ya gagwe.” Eng? Go kamaka Lentšu. “Le tšere metlwaie ya lena, gomme la dira melao ya Modimo ya go tswapoga.” Oo!

⁸⁷ Ge A ka be a le fa bošegong bjo, e be e tla ba selo sa go swana, metlwaie ya rena e dirile Lentšu la Modimo go tswapoga go batho. Re swanetše go boela morago go Lentšu lela, morago go Lona.

⁸⁸ Ntshwareleng, bagwera ba ka ba makhalate, ke ba rerela mogohle, eupša kgaetšedi wa kgale o file bopaki e sego kgale kudu go fetile ka go e tee . . . kopano, o rile, “Ke nyaka go dira bopaki.”

“Go lokile, Kgaetšedi. Eya pele.”

⁸⁹ O rile, “Ke nyaka go bolela se: ga ke se ke swanetšego go ba sona, gomme ga ke se ke nyakago go ba sona, eupša go ne selo se tee ke nago le kgonthe, ga ke se ke bego ke le sona.” Kafao ke nagana yeo ke kgopolo ye botse. Le a bona? “Ga—ga—ga ke sa le tlase *kua* gape, gomme ga se ka loka ka mo ke nyakago go ba, le go se loke ka mo ke swanetšego go ba, eupša ke selo se tee sa nnete, ga ke sa le tlase *kua* gape.” Yeo ke filosofi ye botse. Ee, mohlomphegi. Ga—ga ke se ke bego ke le sona. Yeo ke nnete.

⁹⁰ Bjale, re tla lebelela eng ka go Kriste gona? Bjale, ge A swana maabane, lehono, le go ya go ile, re tla swanela go hwetša se A bego a le sona maabane go tseba se A lego sona lehono. A yeo ke nnete? Ka gore, nka no ba ke boletše ka go mantšu a a remilwego gore O—O a swana, Beibele e boletše seo, gomme ke leka go le botša Modimo mohlomagomo a ka se kgone go fetola tsela ya Gagwe, O swanetše go dula a swana. Kagona, se A bilego . . .

⁹¹ Bjale, seo e bile ka matšatšing a Paulo, go ngwaleng Puku ya Baheberere fa, re e dumela go ba Paulo, gomme O be a botša

Bahebere bale gore Jesu Kriste o be a swana maabane. Bjale, re a tseba gore Jesu Kriste e bile Yena Yo—Yo a ntšhitšego bana ba Israele go tšwa Egepeta, bohle re dumela seo. Pilara ya Mollo, E be e le Kriste, nnete E be e le. Beibele e boletše ka go Bahebere 11 mo, ke a dumela, gore “Moshe o hweditše kgobogo ya Kriste mahumo a magolwane go feta mahumo a Egepeta.” Le a bona? O latetše Kriste, gomme mang kapa mang o a tseba gore Pilara yela ya Mollo, Seetša, yeo e tšerego Israele go kgabola lešoka e be e le Morongwa wa Kgwerano, e bego e le Kriste.

⁹² Ge le ka kwešiša, O be a . . . Yoo e be e le Modimo ka godimo ga rena, gomme gona, ge A bile nama le go dula magareng ga rena, Modimo o be a le ka go Kriste a boelanya lefase go Yenamong, gomme bjale O ka Kerekeng, le a bona, le a bona, “wa go swana maabane, lehono, le go ya go ile.” Le a bona? Bjale, hlokomelang se A bego a le sona maabane. “Re rata go bona Jesu.”

⁹³ Bjale, ge re Mmone ka tsela ya go swana A bilego nako yela . . . Bjale, a re tšeng . . . Re bala go tšwa go Mokgethwa Johane, le Mokgethwa Johane tema ya 1 fa e rile, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama, gomme la dula magareng ga rena.” Gona ke eng? Lentšu. Ge re hweditše Kriste bjalo ka ge A bile maabane, O tla ba Lentšu la Modimo, gobane “Mathomong go be go le Lentšu, Lentšu le be le le go Modimo, gomme Lentšu e be e le Modimo. Gomme Lentšu la ba nama gomme la dula magareng ga rena.” Bjale, O be a tla ba Lentšu la Modimo.

⁹⁴ Ge A be a le mo lefaseng O be a phethagetše ka yona, a kgodišegile kudu, O rile, “Puruputšang Mangwalo, ka gore ka go Wona le nagana le na le Bophelo bjo Bosafelego, gomme ke Wona A pakago ka Nna.” Amene. “Ge Ke sa dire mediro ya Tate wa Ka, gona le se Ntumele.” E be e se seo . . . Ba be ba sa kgone go kwešiša Monna yo a no ba go feta motho wa mehlang. Gabotse, ka nama go molaleng O be a se, eupša O tswetšwe ke kgarebe, eupša efela, O be a le Motho, O jele, a nwa, a robala, le go ya pele bjalo ka ge re dira, eupša efela, ka gare ga Gagwe go be go le Modimo.

⁹⁵ O rile, “Ga se Nna yoo a dirago mediro, ke Tate wa Ka yoo a dulago ka go Nna, O dira mediro.” Ka go Mokgethwa Johane 5:19, O rile, “Ruri, ruri, Ke re go lena, Morwa ga a kgone go dira selo ka go Yenamong, eupša se A bonago Tate a se dira, seo Morwa o se dira go swana. Ka mehla Ke dira seo se thabišago Tate.” Gobaneng? Ga se nke A dira go fihla A kwele; Tate o Mmontšhitše a dire eng. Oo, ge re ka kgona feela go leta ka mkgwa woo, ee, mohlomphegi, go fihla re hwetša.

⁹⁶ Le a bona, O rile, “Morwa ga a dire selo ka go Yenamong,” goba, “ga a kgone go dira selo eupša se A bonago Tate a se dira.”

Morwa o šoma- . . . “Tate o a šoma, gomme Morwa o šoma go fihla mo.” Le a bona? Ka lentšu le lengwe, O nno diragatša terama ye Modimo a Mmoditšego go e dira. Bjale, O tla ba Lentšu. Gomme leo ke . . .

⁹⁷ Ke a dumela gore Beibele ye, Lentšu le thwi mo, Beibele, ke Modimo ka sebopego sa go ngwalwa. Gomme ke a dumela gore Beibele ke Peu, Mantšu ao ke Dipeu. Jesu o rile, “Mobjadi o ile pele a bjala Peu.” *Le* ke Yona. Lentšu la Modimo ke Peu, Jesu o rile E be e le.

⁹⁸ Gona, ge E le Modimo ka sebopego sa go ngwalwa, gomme o Le amogela ka pelong ya gago, gomme ka gona Moya wo Mokgethwa o nošetša Peu yela, E tliša pele se E se tshepišitšego. Gomme mohuta e ka ba ofe wa peu o e bjetšego, e tla tliša pele mohuta wola wa puno. Nnete tlwa. Re bjetše, ka go tšošetšo ye kgolo ye e fetago, peu ye ntši ya bohlale, re na le puno ya bohlale. Yeo ke nnete. Ge re ka bjala Peu ya Ebangedi, re tla ba le Puno ya Ebangedi. Gomme re hloka go tla morago go dikokwane, le dithuto tša Beibele, morago go Beibele, morago go Moya wo Mokgethwa godimo ga Lentšu la Modimo woo o dirago Lentšu la Modimo go phela. Seo ke tlwa se le bilego.

⁹⁹ Bjale, O be a le Morwa wa Modimo ge A tswalwa. Eupša ge A kolobeditšwe ke Johane mo Jorodane, ba bone Moya wo Mokgethwa o theoga boka leeba gomme wa dula godimo ga Gagwe. Gomme Yena go beng Lentšu, gona Lentšu le thoma go ipontšha Lonamong. Amene. Lentšu le thoma go iponagatša Lonamong. Go gobaneng? Moya wo Mokgethwa o be o le ka fale o bolela Lentšu la Modimo.

¹⁰⁰ Bjale, re hwetša gore ka go Bahebere, tema ya 4, temana ya 12, Beibele e boletše gore “Lentšu la Modimo ke le bogajana go feta tšhoša ya magalemabedi, le ripa go aroganya,” le go ya pele, “gomme Ke Mohlathi wa dikgopolo tša pelo,” Bahebere 4:12. “Lentšu . . .” Bjale, le se lebale seo bjale, re ya go se hloka morago ga lebakana. “Lentšu, Lentšu la Modimo ke Mohlathi wa dikgopolo tša pelo.”

¹⁰¹ Bjale, Doiteronomio 18, Moshe, moprofeta yo mogolo, moprista, le kgoši, e ka ba eng a bilego, yoo a etilegopele Israele, o rile, “Morena Modimo wa lena o tla tsoša Moprofeta wa go swana le nna. Go tla tla go phethega gore yo a ka tsogego a se kwe Moprofeta yola o swanetše go ripša.”

¹⁰² Le elelwa ge Johane a tlile? E bile mengwaga ye makgolonne ge e sa le ba bile le moprofeta, ge e sa le Maleaki. Gomme ge Johane a tlile, o huduile selete. Gomme ba tlile go yena gomme ba rile, “A o Moprofeta yola,” le a bona, “yola a tla tlagog?”

O rile, “Ga ke yena. Eupša O tla ka morago ga ka.”

¹⁰³ Bjale, Johane o be a no rera. Le a bona? O be a le moprofeta, eupša mo—mo moreri wa Lentšu ke moprofeta. Eupša Israele ka mehla e rutilwe go dumela baprofeta ba bona, ka gore Lentšu

la Morena le tla go, eng? Moprofeta. Yeo ke nnete. “Lentšu la Morena le tlile go moprofeta Jesaya.” “Lentšu la Morena le tlile go moprofeta Jeremia.” Lentšu la Morena le tlile go baprofeta.

¹⁰⁴ Bahebere 1, “Modimo, dinakong tša kgale ka mekgwa ya go fapana o boletše le botate ka baprofeta. Letšatši le la mafefeelo, ka Morwa wa Gagwe, Kriste Jesu.” Hlokomelang, Ba tlile go baprofeta, gomme Israele e rutilwe go dumela baprofeta ba bona.

¹⁰⁵ Bontši bja lena le tseba Lewi Pethrus, mogwera wa ka wa sebele kudu, o rometše e ka ba milione wa Ditestamente tše Mpsha tlase, ge ba tlišitše Bajuda bale go tšwa tlase ka Iran, go ba fa Ditestamente tše Mpsha tše. Le tseba Testamente ya Bajuda, le bala go tloga morago go ya pele, gomme Bajuda ba ba bala Ye, ge se ba tsoge ba kwa ka selo se sebjalo bjalo ka Jesu e le Mesia.

¹⁰⁶ Ba be ba tšeletše tlase fale ka go bothopša bja Roma. Ba be ba lema ka. . .Le e bone ka go kgatišobaka ya *Look* fa, mengwaga e se mekae ya go feta, gomme ge ba bowa morago. Gomme ke ne seswantšho sa yona, bohle ba bona ba boela ka gare. Ke duma ge nkabe re na le nako re ka kgona go e lahlela sekerining bošego bjo bongwe, le go le laetša. E bitše. . .Re e bitša *Metsofo Ye Meraro Go Fihla Bošegogare*, re bona Bajuda ba ba boela, ba rwele baratwa ba bona magetleng a bona, go fologa difofane, le go ya pele. Ba re. . .Ba rile, “A le tla gae, go nagalegae, go hwa?”

O rile, “Re tla go bona Mesia.”

¹⁰⁷ Mmm, nna! “Ge mohlare wola wa mogo o khukhuša!” Šole fale, setšhaba ka tšhelete ya sona mong le se sengwe le se sengwe gape, tšhelete, madira a sona, le se sengwe le se sengwe, lekga la mathomo lebaka la mengwaga ye makgolo a masomepedi tlhano. Le a bona? Jesu o rile, “Ge le o bona o khukhuša. . .” Bjale re mo nakong ya bofelo.

¹⁰⁸ Hlokomelang. Bjale, ba be ba. . .Ge ba ile go ya go difofane tšela, ba ka se ke, ba be ba boifa difofane tšela. Kafao rabi o ba bileditše ntle gomme o rile, “Elelwang, moprofeta wa rena o rile re tla tšeelwa gae godimo ga diphego tša ntšhu.” E be e le yona, sefofane. Kafao ba tla pele. Gomme šebale fale, ba dutše ka go nagalegae ya bona lehonono. Ba dumela baprofeta ba bona.

¹⁰⁹ Bjale, kagona, ge Mesia a be a etla O be a swanetše go ba Modimo Moprofeta. O be a swanetše go ba Moprofeta hlakanya, go feta moprofeta, eupša O be a swanetše go dira mediro ya moprofeta.

¹¹⁰ Lewi Pethrus, ge a rometše Dibeibele tšela tlase kua. . .O rile, “Ge Jesu yo a be a le Mesia, gona ga se A hwa, o re, eupša O tsogile gape, a re Mmone a dira leswao la moprofeta, gomme re tla le dumela.” Oo nna, ge seo se direga, Bantle ba fedile, gomme le tseba seo. Lena bohle babadi ba Beibele le tseba seo. Yeo ke nako ya bofelo thwi fale ge. . .E no dumelela bona Bajuda go e hwetša gape, kafao. . .Feela selo sa go phethagala bakeng sa

feela nako ye nnyane go tloga bjale. Ge re sa ne mabati a bulegile, Modimo o ne ba—ba Bantle ba amogela ka moka tše di tlogo ka gare, go tla, mabati a kgaogelo.

¹¹¹ Bjale, a re boneng se A bego a le sona. Re Mo hwetša nako yeo a le Lentšu, a kolobetšwa, o ile ka lešokeng, a tla ntle ka morago ga go lekwa matšatši a masomenne, diabololo. Gomme ka pela O—O thoma . . . Tumo ya Gagwe e thoma go phatlalala. Efela, O . . . Ke a thanka O be a se mo—mo modiredi yo a tla bago . . . a kwago Segalontšu sa Gagwe boka sa rena ntle mokgotheng, le go ya pele, eupša go be go le se sengwe ka Yena seo se bego se fapana.

¹¹² Gomme re a hlokomela, ka pela ge A dirile bodiredi bja Gagwe go thoma, fao go bile yo motee a bitšwago Andrea, Mokgethwa Johane mo, yo motee . . . Ke dula thwi ka go Mokgethwa Johane bakeng sa dinoutse tšohle tša ka bakeng sa feela bjale. Yo motee, a bitšwago Andrea, o dutše bošego bjohle le Yena, gomme o be a kgodišegile ka go tsenelela gore O be a le Mesia, o ya godimo go Simone. Bjale, ge e ka ba mang- . . . Yoo ke ngwanabo.

¹¹³ Ge e ka ba mang a kile a bala histori ya Petro le—le Andrea, bjalo ka ge re ba tseba, tatagobona o be a le modumedi yo mogolo, o boditše bašemane bale, “Letšatši le lengwe . . . Ka mehla ke—ke be ke gopola gore ke tla bona Mesia.” Mojuda yo mongwe le yo mongwe o hlogetše seo ge e sa le go tloga Edene. Gomme kafao ba rile, “Re . . . Rena . . . Letšatši le lengwe Mesia o tla tla. Ke naganne nka se . . . Mmone, eupša mohlomongwe ke a tšofala gomme nka se ke. Eupša, bašemane, feela pele ga Mesia yola a tlogo, elelwang, go tla ba dilo tšohle tše dintši tšeo di tla tlogo godimo.”

¹¹⁴ Ka mehla go na le bomesia ba a tla, re tseba seo, mogohle, ba sa na le bona mogohle, bomesia. Gabotse, ge eba bomesia bohle ba maaka ba etla godimo, go a bontšha go swanetše go ba Mesia wa therešo felotsoko. Pele go ka ba le tolara ya bofora, go swanetše go ba ye botse go yona go dirwa go tšwa go yona, ke ka baka leo e lego bofora.

¹¹⁵ Hlokomelang, o boditše barwa ba gagwe, o rile, “Bjale, le se lebale, dulang le Lengwalo. Mesia, go ya ka Moshe, yena yo re mo latetšego mengwaga ye yohle, o rile, ‘Morena Modimo wa rena o tla tsoša Moprofeta magareng ga rena.’ O tla ba moprofeta, Mesia a ka se no ba serutegi, morutiši, moprista tsoko yo mogolo, mohlomphegi tsoko, eupša O tla ba moprofeta.” Bjale, re ya go Mo tsoma bjale, e ka ba metsotso ye lesome feela bjale, pele re thoma go rapelela balwetši. “O tla ba moprofeta.”

¹¹⁶ Gomme Andrea o a ya le go hwetša Simone, ngwanabo wa motheadihlapi, gomme o rile, “Etna, bona Yo re mo hweditšego. Re hweditše Mesia!”

Ke kgona go eleletša Simone a re, “Oo, ee. Uh-huh. Re bile le bona mogohle.”

117 Eupša o tlile a sepelela godimo ka Bogoneng bja Jesu, gomme ka pela ge Jesu a mmone a etla, O rile, “Eba . . .” o boletše le yena gomme o rile, “Leina la gago ke Simone, gomme o morwa wa Jona.”

118 Seo se e hweditše. O tsebile thwi nako yeo. E sego feela gore O tsebile gore o be a le mang, eupša O tsebile tate yola wa go tšofala wa bomodimo wa gagwe, “Wena o Simone, morwa wa Jona.” Thwi nako yeo, go Petro yoo e be e le Mesia yo, gobane O netefaditše tlwa se Lengwalo le rilego O tla ba.

119 E sego ka gobane O be a apere bokaone, o bile le digrata *tše dintši kudu* go tšwa kholetšeng, o boletše Mantšu a Gagwe ka boleta, o bile le khuetšo ye kgolo magareng ga batho, yoo e be e ka se be moprofeta. Baprofeta ba hloilwe kudu, gomme kafao . . . Batho ga ba ba rate. Kutollo 11 e rile ge ba babedi . . . Ditšhaba di hloile baprofeta bale, ka mehla ba e dirile.

120 Jesu o rile, “Ke lena le kgatlilego baprofeta ka matlapa, gomme le kalakile mabitla a bona,” o rile, “ke lena le ba beilego ka kua. Ke ofe wa baprofeta Modimo a mo romilego yoo le sa mo kgatlago ka matlapa?” Ka mehla ba a fapana le kgahlanong le ditšhepedišo tša bodumedi tša letšatši. Gomme re hwetša gore ba ema ntle ka sebetete, gomme mo go be go le Jesu a eme ntle kua. Gomme ba bone, go le bjalo, gore O be a dira leswao la moprofeta, gomme Simone o rile . . . o Mmoletše go ba Morwa wa Modimo.

121 Go be go le yo motee a eme kua, ka leina la Filipi, thwi feela ditimana tše mmalwa ka fase ga yona mo, Filipi, gomme o bile le modirišani. Ge o kile wa ithuta bophelo bja Filipi, o be a na le modirišani, yo ba bego ba dula gomme ba na le dithuto tša Beibele mmogo. Re dira seo makga a mantši, go dula le go ithuta ka dilo tša go fapana. Gomme badiredi, le baena, le maloko, bohle re ithuta Beibele, re hwetša Beibele ya rena gae. Masogana, le dikgarebe, ge ba le Bakriste, le monnamogatša le mosadimogatša, re ne dithuto tše nnyane tša Beibele.

122 Nathaniele le Filipi ba be ba ithuta Disekorolo mmogo, gomme ba be ka kgodišegile, gobane bobedi ba be ba le badumedi, gore Mesia o be . . . e be e le nako go Yena go tla. Kafao ge Filipi a bone seo se direga, o tšere go dikologa thaba go hwetša Nathaniele.

123 Bjale, ge le ka e maraka, ge le kile la ba fao, go tloga moo Jesu a bego a rera go ya moo a hweditšego Nathaniele, ka mehlareng yela, e be a le e ka ba dimaele tše lesometlhano. Go molaleng o ile letšatši le tee gomme a tla morago la go latela. Gomme o hweditše Nathaniele, re tseba kanegelo, o be a le ntle ka serapeng sa gagwe sa dikenywa a rapela, le ka tlase ga mehlare ya mogo a rapela.

124 Gomme ke kgona go eleletša ke bona Nathan-. . . Filipi, a eme fale a letile go fihla a feditše go rapela. Gomme mohlomongwe o be a rapela se sengwe boka se, “O Morena, re komana bakeng sa Molokolli. Morena, re bile bothopšeng bja

Roma nako ye yohle, batho ba Gago ba a tlaišega. O Modimo, bona ba . . . bohle ba lahlegile, gomme go lebege o ka re dikereke tšohle di hlephišitše. Re a rapela, O Morena, re romele Molokolli, re romele Mesia, re Mo hlogetše. Re rapetše gomme fa ma—ma matšatši a a feta bjale go nna, gomme ke nyakile go bona Mesia. Amene.”

¹²⁵ Ge a tsogile, Filipi o rile, “Etna, bona Yo re mo hweditšego.” E sego, “O ya bjang mmogo? Dikgogo di tšwelapele bjang, gomme mae a lokile? Gomme dikgomo tša maswi di bjang?” Aowa, aowa. “Serapa sa mohlware se bjang?” Aowa, go otlogoga. Bjo ke bothata lehono, re na le ditšiebadimo tše ntši kudu di hlakane le Bokriste. Thwi go ya ntlheng, “Etna o bone Yo re mo hweditšego, Jesu wa Nasaretha, Morwa wa Josefa.” Yeo ke tsela ya go tšea molaetša.

¹²⁶ Bjale, a re no dirang *terama* gannyane nthatana bakeng sa bana. Ke kgona go eleletša Nathaniele, serutegi sa Lengwalo, le a tseba, o eme godimo, a re, “Bjale, Filipi, wena le nna re ithutile Mangwalo lebaka la mengwaga, ge e sa le re le bašemane go tšwa sekolong. Gomme o swanetše go be o ile le melodi ya makaba,” bjalo ka ge re ka e bolela lehono. “O ra eng, serutegi bjalo ka ge o le ka Mangwalong? Gomme—gomme o tla re, ‘Re hweditše Jesu wa Nasaretha, Morwa wa Josefa, go beng Mesia?’ Gobaneng, ga go kgonege, ga se gona se sebotse se ka tšwago fale.”

¹²⁷ Bjale, o . . . ke nagana o mo fa karabo ye botse kudu, ga se a re, “Dula gae gomme o swaswalatše.” O rile, “Etna, iponele wenamong.” Le a bona? Etna ikhweletše wenamong. “Etna gomme o bone.”

¹²⁸ Ke kgona go ba eleletša ba eya go bapa le tsela letšatši la go latela. Gobaneng, ke kgona go kwa Nathaniele a re, goba, Filipi a re go Nathaniele, “O a tseba ke eng? A o elelwa motheadihlapi yola wa kgale wa go hloka tsebo . . . ?”

¹²⁹ Bjale, le a elelwa, Petro, pišopo, tthatlamano ya kereke ya pele, ga se a be le thuto ya go lekanela go saena leina la gagwe mong. Beibele e rile o be a hloka tsebo bobedi le go se rutege. Eupša go kgahlile Modimo, ka tumelo ya gagwe, go lemoga O be a le Mang. Le a bona? Ebile O mo fa dikgonyo go ya Mmušong. . . [Ga go selo go theipi—Mor.] . . . ntle le thuto ya go lekanela go saena leina la gagwe.

Ke kgona go mo kwa a re, “A o gopola motheadihlapi yola wa kgale yo o rekilego hlapi yela go yena nako yela?”

¹³⁰ “Oo, ee, ba—ba mmitša Simone. Ee, ke a elelwa, ke tsebile papagwe, Jona. Nnete. O be a le Mofarisei wa kgale godimo kua, motikone ka kerekeng, o a tseba,” le go ya pele.

“Ya.”

“O a elelwa, o rekile tšona dihlapu, gomme o be a sa kgone go saena rasiti yela.”

“Ee.”

131 “O tšile godimo pele ga moisa yo, Jesu, Moprofeta yo moswa yo wa Galelia, gomme O mmoditše leina la gagwe e be e le mang, le go mmošša tatagwe e be e le mang. O elelwa ka fao . . . ? Gobaneng, go ka se mmakatše ge A sa mpošše ke mang. . . botša ke wena mang ge o fihla kua.”

“Oo, ge nka kgona go bona seo!”

132 “Bjale, re a tseba gore bobedi re ithutile Lengwalo. Re kwanong gore Moshe, re swanetše go tšea lentšu la gagwe, gobane o be a le kotanatsšhupetšo ye kgolo ya Modimo, gomme o rile ge Mesia a tla tla O tla ba moprofeta. Bjale, re no swanela go elelwa Yena ke moprofeta.”

Gomme o rile, “Oo, ee. Kgontho, Mesia ke moprofeta.”

“Gabotse, Monna yola o tsebile bjang Simone e be e le mang, goba tatagwe e be e le mang? Tatagwe o be a hwile lebaka la mengwaga.”

Bjale, o rile, “Gabotse, ke tla no ya go bona.”

133 Gomme ge a sepeletše godimo ka . . . Gabotse, mohlomongwe Jesu o bile le mothalo wa thapelo o etla, goba mohlomongwe o sepeletše godimo le go dula fase ka go batheeletši, goba e ka ba eng e bilego. Ke . . . Ka morago ga lebakana, Jesu o retologile, gomme a mo lebelela, gomme a re, “Bonang Moisraele, yo ka go yena go sego bomenetša!”

Bjale, o re, “Gabotse, nnete, ka tsela ye a bego a apere . . .”

134 Aowa, aowa. Baegepeta, ka moka ga bona ba be ba apara maledu, le go ya pele. “Moisraele, yo ka go yena go sego bomenetša!” Ga se a mmitša Moegepeta, O rile, “Moisraele, yo ka go yena go sego bomenetša!” O be a ka kgona go ba mmolai, goba maimai, eng kapa eng. Le a bona? Eupša o rile, “Moisraele šole, yo ka go yena go sego bomenetša!” Seo se nno mo phohliša.

O rile, “Rabi,” go rago “morutiši,” “ke neng O kilego wa ntseba? Ga se ka ke ka Go bona pele.”

135 O rile, “Pele Filipi a go bitša, ge o be o le ka tlase ga mohlare, Ke go bone.” Yeo e be e le yona. E be e le Jesu maabane, magareng ga Bajuda. O rile, “Pele Filipi a go bitša, ge o be o le ka tlase ga mohlare, Ke go bone.”

136 Theetšang, mohlomongwe pišopo o be a eme fale, go tšohle ke di tsebago, eupša ka pela- . . . seo ga se sa dira phapano ye e itšego go Nathaniele, o kitimetše godimo, le go wela fase hleng le Yena, le go re, “Rabi, Wena o Morwa wa Modimo; Wena o Kgoši ya Israele.” Amene.

Bjale, a yola e be e le Jesu maabane? Ke ka mkgwa wo A bego a itira Yenamong go tsebja go Bajuda?

137 Bjale, go be go le ba bagolo bale, ba godimo, banna ba go rutega ba eme tikologong kua ba apere disetše tše kgolo,

dikholoro di retollotšwe go dikologa, le a tseba, le go ya pele. Ba rile . . . Gabotse, ba ile ba swanela go fa karabo go phuthego ya bona, fao e dirilwe, kafao ba rile, “Monna yo ke Beletsebubu.” Yoo ke diabololo, mmolelelamahlatse. Le a bona? Gomme o rile, “O dira seo ka Beletsebubu, diabololo.”

¹³⁸ Gomme Jesu o rile, “Ke le lebalela bakeng sa seo. Eupša letšatši le lengwe Moya wo Mokgethwa o ya go tla go dira selo sa go swana, gomme go bolela lentšu le tee kgahlanong le Wona go ka se tsoge go lebaletšwe.” Yeo ke nnete.

¹³⁹ Bjale, go na le ye meraro . . . [Lefelo la go se be le selo godimo ga theipi—Mor.] . . . merafo ya batho. O ka no se nyake go e dumela, eupša e gona. Ge re dumela Beibele, yohle e hlagile go tšwa go Hama, Seme, le Jafete, bana ba Noage.

¹⁴⁰ Bjale, šetšang, ge Petro a swere dikgonyo tša Mmušo, o dirile . . . o rerile ka Pentecost, Bajuda, ba amogetše Moya wo Mokgethwa, le se se bego se le gona, gomme Filipi o ile tlase le go rerela Basamaria, feela ba be ba se ba amogela Moya wo Mokgethwa nako yeo, gomme Petro o tlile fase, a bea diatla godimo ga bona, gomme ba amogetše Moya wo Mokgethwa. Gomme morago, ntlong ya Koronelio, Bantle, Petro o ile godimo kua, gomme a romelwa ka pono godimo kua, “Gomme ge a sa bolela, Moya wo Mokgethwa wa wela godimo ga bona.” Gomme ka gona mehlobo yohle e bile le yona, le a bona, mehlobo ye meraro, e be e le Bajuda, Bantle, le Basamaria.

¹⁴¹ Bjale, Montle, rena, Anglo-Saxon, re be re se ra lebelela Mesia, re be re rapela medingwana, tlelapo mokokotlong wa rena, le bahetene, eupša . . . ka go batho ba rena. Eupša Mesia o tla feela le go itira ka Boyenamong go tsebja go bao ba lebeletšego Mesia. Ga A ke a kgoromeletša tsela ya Gagwe godimo ga mang kapa mang; o swanetše go Mo nyaka. Gomme kafao O rile . . . O tlile . . . Bjale, re tla e tšea moragwana gannyane, gobane ga re nyake nako ya rena go tloga, re ne feela metsotso e se mekae e šetšego.

¹⁴² Hlokomelang, ge A tlile, O itirile ka Boyenamong go tsebja go Bajuda ka go beng Mesia, ka go laetša gore O be a le Moprofeta yo Moshe a mo tsoitšego, goba, Moshe a boletšego ka yena, a ke re, gore O be a le Mesia, gobane O dirile leswao la Mesia. Gomme ba tsebile yoo e be e le Mesia. O bone dikgopolo tša bona, leo ke Lentšu, “bogajana go feta tšhoša ya magalemabedi, Mohlathi wa dikgopolo tša pelo.” A yeo ke nnete? Gomme O be a le Lentšu, gomme Yena šo, a hlatha mogopolo wa bona.

¹⁴³ Ka gona letšatši le lengwe O be a eya tlase Jeriko, yeo ke nnete go otlogoga tlase go tšwa Jerusalema. Sebakeng sa go ya fale, O bile le tlhoko, go feta Samaria. Šetšang, Basamaria ba be ba lebeletše Mesia le bona. Kafao O tlile toropongkgolo ye e bitšwago Sikara, gomme O rometše barutiwa go tloga go reka dijo, gomme ge ba sa ile, mosadi yo monnyane o tlile ntle kua,

go molaleng mosadi yo monnyane yo mobotse. Mohlomongwe ngwana o ile a lahlelwa mokgotheng ke batswadi, gomme ba mo tlogela a ya ka tsela ye nngwe le ye nngwe, gomme go nyaka go swana le lehono.

¹⁴⁴ Ba bolela ka go seleka ga baswa, ke go seleka ga batswadi, seo ke tlwa se e lego sona. Mohlomongwe ngwana yola o bile le selo sa go swana, mme o mo dumeletše go dira e ka ba eng. O fetogile go ba mosadi wa tumo ye mpe. Gomme o be a ka se kgone go tšwela ntle. . .

¹⁴⁵ Bjale, ke bile ka bohlabela, gomme ke rerile ka kua go . . . gabotse, batheeletši ba bagologolo nkilego ka ba le bona e bile dikete tše makgolotlhano, bao ba bilego ka Bombay, fale, le a bona. Gomme—gomme fale. . . Gomme ke—ke tseba metlwae ya bona. Bjale, maitshwarohlephi le maitshwaro ga a kgone go hlakana mmogo. Kafao kgarebe. . . Gabotse, ga se ba kgone le o tee wa bona go tla ntle fale ge dikgarebe di be di le fale, kafao o ile a swanela go tšwela ntle moragwana. E ka ba ka iri ya lesometee o tšwetše ntle, mohlomongwe o bile le moriri wa gagwe o dirilwe godimo ntlhoreng ya hlogo ya gagwe, gomme—gomme o be a. . . mohlomongwe o be a le ntle bošego bjohle le gona, le a tseba, gomme o tlile ntle go ga pakete ya meetse.

¹⁴⁶ Gomme dipakete tša bona ke dipitša, di na le mekgoko godimo ga tšona. Gomme ba ka kgona go bea. . . Go lebega o ka re go nna di swara e ka ba kalone tše tharo go ya go tše tlhano. Ba kgona go bea ye nngwe ya dipitša tšela godimo ga hlogo ya bona, le go bea e tee lethekeng le lengwe le le lengwe, le go sepela le go boledišana seng, feela boka bahumagadi ba kgona, gomme ba se tsoge ba tšholla lerothi la meetse. Ga ke tsebe ka fao ba e dirago, go no ya mmogo, go bolela le a tseba le go sega, bona basetsana ba bannyane nthatana ba kgale, e sego bogodimo *bjoo*, go no di rwala, e ka ba kalone tše lesometlhano tša meetse, ba eya pele.

¹⁴⁷ Gomme kafao ba—ba ne marala fale, gomme ba tšea dihuku tše gomme ba di bea thwi go dikologa marala a, ba lesa. . . bjalo ka moeta, re tla o bitša, ba o theošetša ka sedibeng le go ga meetse, gomme ba o gogela morago ka marala.

¹⁴⁸ Ka gona, mosadi yo o tlile ntle go theošetša pakete ya gagwe—ya gagwe tlase go ga meetse, gomme ge a dirile, o kwele Monna a dutše godimo mohuta wa ponagalo boka ye, ke sediba, se sa le gona, gomme o rile, “Mosadi, Ntlišetše seno.”

¹⁴⁹ Gomme a lebelela, gomme go be go le kgethologanyo ka nageng gare ga Bajuda le Ban- . . . , goba, Bajuda le Basamaria. Kafao ba rile. . . mosadi yo o rile, “Mohlomphegi, ga se setlwaedi go Wena, go beng Mojuda, go nkgopela, mosadi wa Mosamaria, selo se sebjalo.”

¹⁵⁰ Bjale, O be a no lebega bjalo ka Mojuda wa mehleng, O be a apere bjalo ka monna wa mehleng. Ga ke dumele o swanetše go apara go segiša le go fapana go ba Mokriste, ga ke dumele o

swanetše go dira go segiša. Ke a dumela o no—no ba motho, e no ba Mokriste, yeo ke phetho, gomme ga go selo sa moswananoši. E no ba se sengwe ka gare ga gago se diregile, le a bona, lethabo, thabo, le khutšo, le kgotsofalo, pelofalo, boleta, khutšo; batho ba ka bolela ka wena, ga e go tshwenye nthatana, le a bona, feela, tšeo ke dikenywa tša Moya.

¹⁵¹ Kafao nako yeo Monna yo o be a dutše godimo kua, a apere kobo ye nnyane, go no swana le bohle ba bona ba bile, le go apara go no swana le monna wa mehleng. Eupša O be a le e ka ba mengwaga ye masometharo bogolo, eupša O swanetše go be a be a lebeга bogolwane gannyane, le a tseba, ka go Mokgethwa Johane 6, ba rile, “O nyaka go mpotša gore o bone Abraham, gomme ga o ka godimo ga bogolo bja mengwaga ye masometlhano?” Le a bona, ba Mo ahlotše e ka ba masometlhano, mošomo wa Gagwe o ka no ba o dirile seo.

¹⁵² Gomme O rile, “Pele Abraham a bile, KE NNA.” Kafao seo se ripile mafofa fase gape, le a tseba. Eupša fao O be a lebeга e ka ba mohlomongwe masometlhano a mengwaga ka bokgale, a dutše a ithekile morago kua, gomme a re . . .

“Gobaneng,” o rile, “ga se setlwaedi go lena Bajuda go kgopela rena Basamaria dilo tše bjalo. Ga re na le ditirišano mongwe go yo mongwe.”

O rile, “Eupša ge nkabe o tsebile Yo o bego o bolela le yena, o be o tla Nkgopela seno.”

¹⁵³ Gomme le a tseba, gona ba na le gose . . . ba na le tlhakahlakano godimo kua, le a tseba, ka moo a rapetšego. Bjale, šetšang mosadi yo. O rile, “Mohlomphegi,” o rile, “tatawešo Jakobo,” bjale, le a bona, yoo e be e le tate wa Mojuda le yena, “tatawešo Jakobo o epile sediba se, yena le dikgomo tša gagwe ba nwele go tšwa go sona.” Gomme o se file Josefa gabotse, se a se dirilego. Eupša o rile—o rile, “Ye ke . . . Botatawešo ba nwele go tšwa sedibeng se. Gomme O re O na le Meetse ao a lego kaonana go feta a?” le go ya pele. Gona morago ga lebakana . . .

¹⁵⁴ O leka go dira eng? O be a kgokagana le moya wa gagwe, gobane Lentšu la Modimo ke eng? “Mohlathi,” a re e boleleng, “Mohlathi wa dikgopolo tša monagano.” Le a bona? O dira eng? O be a bolela le yena, a kgokagana le moya wa gagwe, gomme O hweditše bothata bja gagwe. Ke ba bakae ba tsebago se e bilego? Nnete, bohle re a dira, O rile, “Sepela, hwetša monnamogatša wa gago gomme le tle mo.”

O rile, “Ga ke ne monnamogatša yo itšego.”

O rile, “O boletše gabotse, ka gore o bile le bannabagatša ba bahlano, gomme yo o dulago le yena bjale ga se monnamogatša wa gago. O boletše gabotse.”

¹⁵⁵ Šetšang mosadi yola. Šetšang Bafarisei ba, gomme ba katišitšwe *godimo le godimo*. Le a bona? Ba rile, “Monna

yo ke Beletsebubu. Yena ke diabolo.” Lebelelang ge Seetša sela se phadimile go kgabaganya ye nnyane yela, Peu ye e kgethetšwepole kua, ge Se rathile Peu yela ya kgonthe ya Modimo yeo e bilego, pele ga motheo wa lefase ka kgonagalo, leina le beilwe godimo ga Puku ya Kwana ya Bophelo, ge Se rathile Yeo, ka pela o Se lemogile. Ka lemong la gagwe, o Se lemogile. Ngwanešu, ke re mosadi yola o tsebile kudu ka Modimo thwi nako yeo, go feta seripa sa batho ka United States. Nnete. Ee, o lemogi- . . . Gobaneng? O beilwe pele ga motheo wa lefase. Le a bona? Ge Seetša sela se E rathile. . .

¹⁵⁶ Bona Bafarisei, ba be ba rutegile, gomme ba bile le bontši bja thutamodimo le dilo, eupša ba be ba sa tsebe Lentšu. Gomme o re . . . O rile, “Mohlomphegi, ke a bona gore O moprofeta.” Fše! A phapano gare ga seo, le moprista yo mogolo yola le bohle ba bona, le a tseba. “Ke a bona gore O moprofeta. Re a tseba, rena Basamaria, re a tseba ge Mesia a etla, leo e tla ba leswao la Gagwe.” Oo, nna. Mojuda, bjale Mosamaria. “Re a tseba ge Mesia a etla O tla re botša dilo tše.”

¹⁵⁷ O rile, “Ke nna Yo a bolelago le wena.” Yoo e be e le Jesu maabane. Le bona se A bego a le sona? E sego seaparo sa Gagwe sa go fapana, e sego ponagalo ya Gagwe ya go fapana, e sego selo sa Gagwe sa go fapana. O be a . . . Se se bego se le ka gare ga Gagwe, se Mmontšha! Haleluya! Huh. Ke thomile go re, “Ntshwarelang,” eupša ga se ke kgone go bolela seo, ke tla ba nyefolo. Nka—nka no itshwara go gafa gannyane, eupša ke ikwela gabotse ka tsela ye. Kafao nno ntlogelang ke nnoši, le a tseba. Ke ikwela bokaonana ka tsela ye.

¹⁵⁸ Hlokomelang, ge a rile, “O swanetše go ba o le moprofeta.” O tsebile gore ba be ba se na le moprofeta lebaka la makgolo a mengwaga. O rile, “O swanetše go ba o le moprofeta. Re a tseba ge Mesia a etla, re rutilwe seo, re e tseba ka Lengwalo, gore ge Mesia a etla O tla re botša dilo tše, tše o e tla ba dilo tše A tla di dirago.”

Jesu o rile, “Ke nna Yo a bolelago le wena.”

¹⁵⁹ Gomme go tloga fao o tlogetše pitša ya meetse gomme a kitimela ka toropongkgolo. Theetšang molaetša wa gagwe bjale. Bjale, elelwang ka bohlabela, ka kgonagalo ke tsela ya go swana, ba ka se theetše mosadi wa tumo ye mpe, eupša . . . monna mokgotheng, eupša o be o ka se kgone go mo emiša, o be a šetše a hweditše se sengwe. O kitimetše ka toropongkgolo, ba ile ba swanela go mo theetša, boka ntlo e eswa, ba ile ba swanela go mo fa šedi. O kitimetše ka toropongkgolo gomme a re, “Etlang, bonang Monna yo a mpoditšego dilo tše ke di dirilego. A Yo ga se yena Mesia?” Gomme Beibele e boletše gore banna ba toropokgolo ba dumetše go Yena, ka lebaka la bopaki bja mosadi.

¹⁶⁰ Yoo e be e le Jesu maabane. A yeo ke nnete? O a swana lehono. A re na le nako ya setatamente se sengwe gape? Feela . . . Gomme

ka gona ke—ke tla thoma mothalo wa thapelo, feela selo se tee bjale. Bjale, elelwang, ka tsela ye A itlhatsetšago Yenamong mo go tswaleleng ga lebaka le lengwe le le lengwe, O swanetše go e dira nako le nako. Bjale, yeo e be e le go tswalela ga lebaka la Bajuda, peu ya kgonthe ya Abraham, re a tseba, ye e bego e e tšwa go Isaka. Eupša bjale, fao go Peu ya Bogoši, e tlile ka Kriste, yeo ke Kereke. A le dumela seo? Rena bohle re a dira, seo. Bjale, šetšang. Yeo ke tsela ye A itaeditšego Yenamong ge A tswaleletše go Bajuda le Basamaria, ka go lebaka lela.

¹⁶¹ Hlokomelang. Bjale, Jesu o rile, ka go Mokgethwa Luka, gore “Bjalo ka ge go bile ka matšatšing a Loto, go tla ba bjalo ka go tleng ga Morwa wa motho.” “Bjalo ka ge go bile. . .” Bjale, šetšang seprofeto sa Gagwe.

¹⁶² Bjale, a re boneng, a re boneng ke mohuta ofe wa letšatši Loto a bilego le lona. Bjale, go be go le mosedumele wa lena, Basodoma; yo bolelo, Mokriste wa kerekeleina, Loto; le Abraham, Kereke ye e kgethilwego, e bileditšwego ntle. O be a se ka Sodoma, ba be ba le ka ntle ga Sodoma, ba be ba se ka Sodoma sa mathomo. Kafao ba be ba ne dilo makgwakgwa gannyane, eupša ba—ba be ba sa le ka ntle ga Sodoma, seo ke selo se tee sa go loka.

¹⁶³ Kafao Abraham o be a dutše mojakong wa tente ya gagwe, mesong wo mongwe wa go fiša, mohlomongwe e ka ba ka iri ya lesometee, gomme Banna ba bararo ba tlile ba sepelela godimo, lerole diaparong tša Bona, feela Banna ba tla ba sepelela godimo, Abraham o lebeletše. Le a tseba, go na le se sengwe ka yona. O ka kgona, o . . . Ga ke tsebe. O—o tsebile go be go le se sengwe sa go tlabo ka bona Baisa. Gomme o kitimetše ntle le go re, “Morena wa ka, etla kgauswi. A nke ke tšee meetse a mannyane, gomme ke hlatswe maoto a Gago, gomme—gomme ke Go fe lerathana la borotho. Gomme ka gona O ka kgona go ya ka tsela ya Gago.”

Gomme o kitimetše ka gare, o boditše Sarah go lokiša borotho tsoko. O ile ntle gomme a tšea namane ye nnyane ya go nona, gomme a e bua, gomme a e tliša, gomme a Ba fepa.

¹⁶⁴ A le hlokometše? Ba babedi ba Banna bale, gabotse ba be ba . . . Se e bego e le sona, e be e le Ramaatlakamoka Modimo. Yeo ke nnete. Bjale, Beibele mo, Abraham o Mmiditše ka go Genesi 18 mo, 18, o Mmiditše, “Elohim.” Leo ke Leina le le swanago le Modimo a bonagetšego ka lona ka go Genesi 1, “Yena Molekanela Moka,” le a bona, Elohim, Elohim, nameng. Le a bona?

¹⁶⁵ Yo mongwe o rile go nna e se kgale botelele, ngwanešu modiredi, o rile, “Ga o dumele yoo e be e le Modimo?”

Ke rile, “Kgonthe, ke a dira, Abraham o rile e be e le, gomme ke dumela Beibele.”

O rile, “Bjale, Modimo a ka kgona bjang go ba ka nameng yela, a eja yeo . . . le go ja nama le dilo boka tšeo?”

¹⁶⁶ Ke rile, “O no lebala Yena ke Mang. Bjale, O nyakile go nyakišiša Sodoma, kafao O—O nno. . .” Mmele wa motho o dirilwe go tšwa go e ka ba dielemente tše lesometshela tša go fapana, le a tseba. Ke gore, ke a nagana ke ka phothaše, le petroleamo, le seetša sa khosmiki le go ya pele. O ile a no topa lehupa la lona, gomme “Fše,” a tsena ka go ona, gomme a butšwetša lehupa le lengwe bakeng sa Gabariele, le le lengwe bakeng sa yo mongwe, a theoga. Yeo ke phetho. Ke thabile ke Mo tseba ka mokgwa woo. A ga le? Ee, mohlomphegi. A ka dira e ka ba eng go hlankela morero wa Gagwe. Kafao O gatetše fase, yeo ke nnete, a gatela ka ntle ga yona.

¹⁶⁷ Ke thabile bjang gore letšatši le lengwe ebile go ka no se be. . . Ke na le e ka ba meriri ye mebedi goba ye meraro e šetšego, gomme ke be ke e kama mo e sego kgale go fetile, gomme mosadimogatša o rile go nna, o rile, “Billy, o ba le lefatla ka go felela.”

Ke rile, “Eupša ga se ka lahlegelwa ke o tee wa yona, hani.”

O rile, “Ke a rapela mpotše, moo e lego.”

Ke rile, “Go lokile, moratiwa, mpotše moo e bego e le gona pele ke e hwetša. E ka ba kae e bego e le nako yeo, e ntetše go tla go yona.”

¹⁶⁸ O rile, “Ebile le moriri o tee wa hlogo ya gago o tla. . .” Nnete! Yoo ke Modimo wa rena. Ga go kgathale, ke fetogetše morago go seetša sa khosmiki, le e ka ba eng nka bago, O tla bolela gomme ke tla tla pele ka letšatši leo gobane ke a Mo dumela. Amene. Yeo ke nnete. Tsogo. Go ntsoša mo letšatšing la mafelelo, O rile ga o lahlegelwe ke selo, “Ke tla e tsošetša gape, matšatšing a mafelelo.” Nnete.

¹⁶⁹ O be a le fao, Yoo ke Modimo wa rena re dumelago go yena, Yoo ke Modimo yo ke bolelago ka yena. Gomme šo O be a dutše mo. Gomme hlokomelang, Basodoma, bakereki, le Kereke ye e kgethilwego. Šetšang. Ba babedi ba bona, Billy Graham wa sebjaalebja, le go ya pele, o ya tlase ka Sodoma, gomme o thoma go rera Ebangedi, ga go mohlolo, eupša go no betha go fofala. Gomme go rera Lentšu go dira mosedumele go fofala. Kafao o ile tlase le go rera Ebangedi go biletša kereke yela ye bolelo ntle, le a bona, gobane tshenyego e be e etla, Mollo, seo ke se se tlogo go latela ke Mollo. Eupša Morongwa yo motee o dutše morago le Abraham. A le kile la hlokomela?

¹⁷⁰ A re yeng tlase go kgabola lebaka ge e sa le go tloga nako yeo. Mpotšeng e ka ba neng le kilego la bona monna a eya ntle ka Babilonia. . . Bjale, Abraham o amogetše leswao lela, gomme lebelelang bona Barongwa bao ba ilego tlase fale, gomme lehono motseta go kereke ye bolelo, kereke ya kerekeleina, o peletwa, e sego A-b-r-a-h-a-m eupša G-r-a-h-a-m. Re bile le boSankey, Finney, Knox, Calvin, le go ya pele, eupša ga se nke e ka ba eng e felelago ka h-a-m go kereke yela. Le a bona?

171 Bjale, go ne Morongwa o dutše morago go laetša boitsebišo bja Gagwe, e bego e le Modimo Yenamong ka nameng ya motho, o laeditše boitsebišo bja Gagwe mo, O rile, “Abraham,” bjale, feela matšatši a se makae pele ga fao o be a le Abram, gomme o rile, “mosadimogatša wa gago o kae, S-a-r-a-h?” E lego, feela letšatši goba a mabedi pele ga fao, o be a le S-a-r-a-i. “O kae mosadimogatša wa gago, Sarah?”

172 Gomme bjale, Morongwa o rile, “Yena o,” goba, Abraham o rile, “O ka tenteng ka morago ga Gago.” Bjale, basadi ba dirile go fapana gannyane nako yela, ba a dira bjale, le a bona. Kafao ba . . . O be a le ka tenteng ka morago ga Gagwe.

173 Kafao O rile, “Nna ke ya go go etela go ya ka nako ya bophelo.” Bjale, šetšang, “Nna,” lešalaina lela gape, le a bona. Le bona Yo a bego a le? O be a dirile tshepišo, “Nna ke ya go go etela go ya ka nako ya bophelo, gomme o ya go ba le ngwana yo wa tshepišo,” le go ya pele. Gomme Sarah, ka gare ga tente, o segile godimo ga matsogo a hempe ya gagwe. O rile . . .

174 Bjale, o be a tšofetše, a fedile kudu bjalo ka . . . O wa ka . . . O theetša ngaka ya gago, ke nna ngwaneno. Ke setswalle sa lapa ka kgonagalo e bile ye lesometlhano, mengwaga ye masomepedi. Le a bona? O rile, “Nna, mokgekolo, ka ba—ka ba le boipshino le morena wa ka, gomme yena a tšofetše le yena?” Gomme o segile go yenamong.

175 Gomme mo—mo Monna a dutše fale, ka mokokotlo wa Gagwe o furaletše tente, o rile, “Gobaneng Sarah a segile?” ka tenteng. Go reng ka seo? Le a bona, Jesu o rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho,” gore Modimo o tla iponagatša Yenamong nameng, nama ya motho, gape. Le a bona, Modimo ka godimo ga rena, Pilara ya Mollo; Modimo o na le rena, Jesu Kriste, Morwa wa Modimo; bjale Modimo ka go rena, Moya wo Mokgethwa, ka matšatšing a mafelelo, ka nameng ya motho.

176 Abraham o tliile go kgabola letšatši a bona maswao le matete a Modimo, eupša ga se nke a . . . Feela bjalo ka ge a bone leswao lela, ka pela ka morago ga ge Mollo o wele le go tšhuma Sodoma; leswao la mafelelo le Abraham a le bonego la Modimo pele Mollo o ewa, leswao la mafelelo le Israele e le gannego e be e le leswao la go swana.

177 Bjale kereke ya Bantle e tliile go nako ya bona, bjale re lebeletše Mesia. Gomme ge yeo e le tsela ye A dirilego pele ga seo, ka letšatšing leo, O swanetše go dira go swana lehono. Ge A re dumelela go ya ka gare ntle le yona, gona ga A swane, gomme gona ga A dire go swana, gomme O hlompha motho. Le bona se ke se rago? O swanetše go dira selo sa go swana gape, kafao seo se dira Jesu Kriste wa go swana maabane, lehono, le go ya go ile.

178 Tlhabologo e sepetše le letšatši, bohle re tseba seo. Tlhabologo ya kgalekgale ke China le kgafetšakgafetša . . .

Gomme ge tlhabologo e etla, sebe se pakelana godimo, se tšwelapele se pakelana, gomme bjale e bethile Lebopo la Bodikela. Go na le sethibela modumo, goba, garetene ya tshipi e aroganyago bohlabela le bodikela. Ga go sa na batho ntle fale ka go lewatlekgolo, o ya thwi godimo go fihla o fihla bohlabela gape. Gomme sebe kgafetšakgafetša se tlile.

¹⁷⁹ Ge Moindia a be a phela mo, o be a se na le sebe, o be a na le dintwa tše nnyane tša leloko. Eupša . . .ge monna yo mošweu a tlile, o tlišitše wisiki, basadi, polao, se sengwe le se sengwe gape. Gomme sebe se pakelane kgafetšakgafetša. Gomme ge sebe se pakelana godimo, Beibele e rile, “Ge lenaba le etla ka gare boka lefula, Modimo o tla phagamiša seemo kgahlanong le lona.” Lentšu le la Modimo le tla phagamišetša seemo godimo, Lentšu le tla bonagatšwa kudu, la bonagatšwa kudu.

¹⁸⁰ Moya wo Mokgethwa o rathile pele ka Lebopong la Bodikela, monna tsoko wa lekhalate wa mahlo a go leana, tlase fa ka California. Moya wo Mokgethwa o rathile California ka go bolela ka maleme. Morago go tla lesolo le Lekgethwa la phodišo, gomme ke rena ba mo nakong ya bofelo. Haleluya! Jesu Kriste wa go swana maabane, lehono, le go ya go ile. A le a e dumela? A re inamišeng dihlogo tša rena feela nakwana.

¹⁸¹ Tate wa Legodimong, re thabile go tseba gore re phela ka go letšatši le la mafelelo, feela pele ga go Tla ga Yena yola wa go loka, wa go makatša, wa letago Morwa wa Gago, Morena le Mophološi wa rena, Jesu Kriste, Yo re mo ratago. Gomme re a tseba Beibele e bolela ka go bonagala pele ga go Tla, gomme go ne phapano ye kgolo ka go lentšu go *bonagala*, gomme morago go *tla*.

¹⁸² Bjale, Tate, re a lemoga gore Kereke e tlile go kgabola legato la tokafatšo, go tla go kgabola legato la tlhwekišo, go tla go kgabola legato la go amogela Moya wo Mokgethwa. Bjale matlapa a sesefala bakeng sa go swanela bodiredi bja Jesu Kriste, go hlakana thwi ka gare go tšea Kereke. Re a Go leboga bakeng sa se, Tate.

¹⁸³ Ke thabile kudu gore O . . .re ka bea tshepo go Wena. Se Lentšu la Gago le se bofelago ke therešo, Le ka se tsoge la palelwa gobane O Lentšu, gomme O rile, “Magodimo le lefase di tla feta, eupša Lentšu la Ka le ka se tsoge la palelwa.” Ke a rapela, Tate, bošegong bjo, go bulwa ga tsošetšo ye. Ke be ke bolela botelele, sehlopha se sebotse sa batho go bolela le bona.

¹⁸⁴ Bjale, Modimo, re lebeletše tsošetšo. Re lebeletše feela a mannyane a, a makopana, a se makae, mašego re nago fa, go Wena go romela Mollo go tšwa aletareng. Batho ba, Tate, ba bagolo bontši bja bona ke badumedi, ba amogetše Moya wo Mokgethwa, ka nnete Moya wo Mokgethwa o tla tseba Lentšu. Gomme ke a rapela, Tate wa Magodimong, gore O tla le tiišetša gape, bošegong bjo. A nke go tsebje gore Wena o Modimo gomme

nako e batamela kgauswi. Ka gore re e kgopela Leineng la Jesu. Amene.

185 Modimo a le šegofatše. Ke nyaka go ba le šedi ya lena ya go se arogane lebaka la e ka ba metsotso ye lesome. Re na le nako ye ntši bjale, re na le mašego a mane go rapelela balwetši, re tla ba dira bohle ba rapelelwe. Ke a dumela gore Billy o rile o fa dikarata tša thapelo. Lekgolo? Lekgolo? A? O file ntle dikarata tša thapelo tše lekgolo, diA. Re tla rapelela yo mongwe le yo mongwe wa bona. Eupša bjale, re ka se kgone go ba tliša bohle godimo mo ka nako e tee, gomme ga re na le nako ya go ba tliša bohle bošegong bjo. O ka no swanela go leta lebakana bakeng sa sebaka sa gago go bitšwa.

186 Eupša go ka reng ge o be o swanetše go ya go Banešu ba Mayo le go leta go bona se e bego e le phošo ka wena? O ka no leta dikgwedi tše tharo goba tše nne pele o eba le peelano. Ka gona ge o eya ka gare, o dula ka kua beke goba tše pedi, ba tla go puruputša gohle, gomme ge ba e hwetša, ba a go botša, gomme morago o no ba moo o thomilego, feela o tseba se e lego phošo ka wena. Le a bona? Eupša ga ke kgone go leta feela matsatši a se makae go Modimo, goba diiri di se kae, metsotso e se mekae.

187 A re beng ba kgonthe—a re beng mašole a kgonthe, yo mongwe le yo mongwe wa rena re apare tlhamo ya go tlala ya Modimo bjale, le go ema thwi ntle mo le go leta boka mašole a kgonthe.

188 Ga ke tsebe gore O tla dira se, eupša lebelelang fa, ke nyaka go le botšiša se sengwe. Ka go ba molaleng bjalo ka ge ke lekile go e dira, ke nna . . . Ga se nna motho wa go rutega. Polelo ya ka ke ye mpe, gomme ke na le segalontšu se sebe, gomme—gomme ga go selo ka nna seo se lokilego. Eupša ke . . . Le a bona? Eupša ge Modimo a ka no . . . Se ke le boditšego, le se dumela go ba therešo? Le a bona, a yeo ke tsela o tla tsebago Jesu? Go lokile.

189 A re bitšeng tše dingwe tša dikarata tše tša thapelo godimo. A re nong go thoma go nomoro tee. Ke mang a nago . . .? Ge o ka kgona, emelela bjale, ge ke bitša nomoro ya gago. Nomoro tee. Ke mang a nago karata ya thapelo . . .? E be e le tlhaka efe yeo? [Yo mongwe o re, “A.”—Mor.] A. H? [“A.”] A. A, nomoro tee, iša seatla sa gago godimo, e ka ba mang a nago karata ya thapelo. Mohumagadi yo fa? O ya bjang, etla tlase . . .? Nomoro pedi. Ke mang a nago karata ya thapelo nomoro pedi? Karata ya thapelo A, nomoro pedi. Morago kua? Go lokile. Etla thwi mo, mohumagadi, thwi go dikologa ka tsela ye.

190 Nomoro tharo. Go lokile, mohumagadi, o tla thwi ka tsela ye. Nomoro nne, nomoro nne, a o ka iša seatla sa gago godimo, e ka ba mang a nago le yona? A ke mohumagadi yola? Go lokile. Nne. Phagamiša seatla sa gago, gona re . . . Ngwanešu Borders le nna re šeditše. Nomoro nne, nomoro tlhano. Godimo fa? Tshela. Go lokile, thwi nno tšea lefelo la gago thwi kgauswi . . . Nomoro

šupa, nomoro šupa. Go lokile. Nomoro seswai. Ke dira se, go ba thibela go kgokagana seng sa bona. Seswai, senyane. Ke mang a nago senyane? Nomoro senyane.

¹⁹¹ Ge o sa kgone go emelela bjale, e no dumelela yo mongwe. . . botša yo mongwe kgauswi le wena, phagamiša seatla sa gago, re tla go rwalela godimo mo, re tla bona gore o fihla godimo mo. E re—e re, ge yo mongwe a ka re *senyane* ka Spanish, o e bolela bjang? [Yo mongwe o re, “Nueve.”—Mor.] Nueve? [“Nueve.”] Nueve, senyane, nomoro senyane. Tee, pedi, tharo, nne, tlhano, tshela, šupa, seswai. Nomoro senyane. Tshwarelo, ke maswabi, Kgaetšedi. Nomoro senyane.

¹⁹² Nomoro lesome, lesometee. E tla thwi tlase fa, kgaetšedi. Karata ya thapelo lesometee. A mohumagadi o eme godimo fale lesometee? Lesomepedi, lesometharo. E tla thwi. . . Lesometharo, lesomenne, lesomenne. Ga se ka e bona, ga ke dumele. Lesomenne, lesometlhano. Karata ya thapelo lesometlhano, a o ka phagamiša seatla sa gago? Karata ya thapelo. . . Yeo ke lesometlhano? Re na le ba bakae? A re thomeng thwi fao.

¹⁹³ Bjale, yo mongwe le yo mongwe wa batho bale o kgonne go phagamela godimo le go sepela. Bjale, mohlala, ga ke bone digole tše di itšego di dutše fa, ntle le ge e le mohumagadi a dutšego fale ka—ka setulong. Ge ke boletše mohumagadi, yo, ke a mo tseba, ge nka re mohumagadi yola o golofetše, gabotse, o tla re, “Kgonthe.” Go reng ka mohumagadi yo a dutšego *fa*? Yo *fa*? Bjale, ke ba bakae ba lena ba se nago karata ya thapelo ka kopanong, gomme efela le a dumela Jesu Kriste o tla le dira le fole? A re le boneng le phagamiša diatla tša lena. Lena bohle. Yo mongwe le yo mongwe yoo a nago karata ya thapelo. Feela mogohle.

¹⁹⁴ Bjale, lebelelang, ge ba sa tliša batho bale mmogo, ke tla rata go ba le šedi ya lena. Letšatši le lengwe go bile mohumagadi o fetile go kgabola se—se sehlopha sa batho. Gomme a re, o be a se na le karata ya thapelo, eupša o dumetše ge a ka kgona go kgwatha morumo wa kobo ya Gagwe, o tla dirwa go fola. Ke ba bakae ba tsebago kanegelo? Bohle re a dira, kgonthe, seo se kaone. Ge a ka kgona go kgwatha morumo wa kobo ya Gagwe. . . Bjale, gomme o dirile tsela ya gagwe go kgabola, gomme o kgwathile seaparo sa Gagwe.

¹⁹⁵ Gomme bjale, ga ke dumele A ka be a e kwele mmeleng, gobane seaparo sa Mapalestina se swere. . . se—se na le seaparo sa ka fase, gomme ka gona ke kobo, e lekelela ntle ka mokgwa *woo*, gomme o kgwathile morumo wa yona.

Gomme Jesu a retologa go dikologa, a re, “Ke mang yo a Nkgwathilego?”

¹⁹⁶ Gomme Petro o Mo kgadile, go be go sa kwagale boka po—po—po. . . e sego potšišo ye bohlale, o rile, “Gobaneng, Mong, yo mongwe le yo mongwe o a Go kgwatha.” “Halo, Rabi, ke

thakgetše go go bona.” “Halo, fao, Moprofeta, re thakgetše go Go bona.” “Halo,” ka mokgwa woo.

Gomme O rile, “Ke mang a Nkgwathilego?”

Gabotse, o rile, “O bolela go se tlwaelege.” O kgadile Jesu.

¹⁹⁷ Jesu o rile, “Eupša Ke a bona gore Ke fokotše. Bokwala” maatla “a tlogile go Nna. Ke fokotše.” Gomme O lebeletše gohle go dikologa go kgabola batheeletši, gomme O hweditše mosadi yo monnyane. Ke ba bakae ba tsebago se se bego se fošagetše ka yena? O bile le taba ya madi, gomme o bile le yona lebaka la mengwaga ye mentši. Gomme O rile, “Tumelo ya gago e go phološitše.”

Bjale, lentšu la Segerika fao, *Sozo*, le rago selo sa go swana le sa mmele bjalo ka . . . “Tumelo ya gago e go phološitše.”

¹⁹⁸ Bjale, Beibele e boletše gore “Jesu Kriste ke Mopriska yo Mogolo, gonabjale,” A le a e dumela? “Mopriska yo Mogolo yo a kgonago go kgwathwa ke dikwi tša mefokolo ya rena.” A ke nnete?

¹⁹⁹ Gabotse, ge A le Mopriska yo Mogolo wa go swana, O tla dira bjang? Go swana le ge A dirile nako yela. Seo se tla Mo dira Mopriska yo Mogolo wa go swana, maabane, lehono, le go ya go ile, le a bona. Feela, ga go tsela ya go tloga go yona. Ke . . . Ge Beibele e bega e ka ba eng, ke therešo. A yeo ke nnete?

²⁰⁰ Bjale, go direga eng—eng fa? Bjale, mpho . . . Bjale, Beibele e rile, bakeng sa banešu badiredi ba, Beibele e boletše gore Modimo o beile ka kerekeng dimpho tše tlhano tša go fapana. A yeo ke nnete? Modimo o dirile. Bjale, go ne dimpho tše senyane ka go—ka go kereke ya selegae feela go e tee goba ye nngwe, eupša dimpho tše tlhano tša bodiredi, baapostola, baprofeta, barutiši, badiša, baebangedi. A yeo ke nnete? Dimpho tše tlhano tša semoya. Bjale, dimpho tšela ke tša go phethagatša kereke, go boloka kereke ka lenaneo, badiša, le barutiši, le baebangedi, le baprofeta, le go ya pele. Bjale, ke dimpho.

²⁰¹ Bjale, ga go kgathale ke bontši gakaakang banna ba fa ba filwego go rera, gape o swanetše go dumela se ba se rerago, goba ga e ye go dira botse bjo botee. Ba ka no rera pele le pele, le pele, o ka se tsoge wa phološwa, o tla hwa thwi mo pankeng, gomme wa lahlega, yeo ke nnete, o dutše thwi fale. Yeo ke nnete, o swanetše go dumela se ba se bolelago. Gabotse, ga go kgathale se Modimo a tla se dirago fa ka tsela ya mpho ya seprofeto, o swanetše go e dumela le wena.

²⁰² Ge A be a le ka go Kriste . . . Gomme O ka Kerekeng ya Gagwe bjale. Bjale, ge A be a le ka go Kriste, O be a no ba lefelong le tee. Ke ka baka leo Jesu a rilego, “Modiro . . . O . . .” Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” A yeo ke nnete? “Mediro . . . Yo a dumelago,” gobane gobaneng? Lentšu le ka go Yena. Le a bona?

“Yo a dumelago go Nna, mediro ye Ke. . . Go feta wo. . .” Ke a tseba King James e re “ye megolwane,” eupša o ka se kgone go ba yo mogolwane, phetolelo ya maleba ya yona ka setlogong ke “bontši,” gobane O tsošitše bahu, o emišitše tlhago, o dirile se sengwe le se sengwe go phethagala.

²⁰³ Kafao e no ba bontši, gobane mo—mo Moya wo o bego o le ka go Yena, ka letšatši la Pentecost, Pilara yela ya Mollo ye e dirilwego nama, e dutše magareng ga rena, E be e ile morago gape le go ikaroganya ka Boyona, ka letšatši la Pentecost, magareng ga barutiwa, “Maleme a Mollo a dutše godimo ga yo mongwe le yo mongwe wa bona.” Modimo a ikaroganya Yenamong ntle magareng ga batho ba Gagwe, gore mmogo re kgone go ba ngatana ya Modimo. Re swanetše go ema boka. . .

²⁰⁴ Bjale. . .Bjale, ge. . . Ke a dumela yo mongwe le yo mongwe ka mothalong wola wa thapelo ke mosetsebjego nna. Ga ke. . . Ga go yo motee mo yo ke mo tsebago, ka ntle ga Ngwanešu Borders. Gomme—gomme bjale, ga ke re. . . Nka no ba ke kopane le lena banešu ka dikopanong, eupša go no tseba gore le bomang. . . Gomme ke a dumela yo ke—yo ke ngwanešu yola go tšwa Ohio fa, a dutšego thwi. . . gomme ga ke kgone go nagana ka leina la gagwe bjale, Fritzinger, go tšwa Ohio, Ngwanešu le Kgaetšedi Fritzinger ba dutše fale, go tšwa Ohio. Yo ke Ngwanešu le Kgaetšedi Dauch ba dutše mo go tšwa Ohio. Gomme ke tseba Ngwanešu Sothmann, le Ngwanešu Wood o ka mo felotsoko, morekiši wa dipuku, bona, ga ke ba bone, ga ke tsebe mo ba lego.

²⁰⁵ Eupša bjale, ge Moya wo Mokgethwa o ka tla le go tiišetša se ke se boletšego bošegong bjo go ba therešo, gona go tla ba dilo tše pedi. Go tla go laetša gore Jesu Kriste o sa phela (A yeo ke nnete?), wa go swana maabane, lehono, le go ya go ile. Gobane bjalo ka motho, nka se kgone go dira mediro yeo, go tšea Yena go e dira. Kafao le tla tseba e swanetše go ba Yena.

²⁰⁶ Gomme selo se sengwe e tla laetšago, gore nako e batametše, yeo ke nnete, nako, leswao la mafelelo le Israele e le amogetšego, leswao la mafelelo leo—leo ba le amogetšego, Loto, Abraham, pele ga tshenyego. Se sengwe le se sengwe se šupa thwi bjale re ka meriting ya go Tla ga Gagwe.

²⁰⁷ Kafao mogwera modiradibe, ge o le fa bošegong bjo, gomme Modimo a netefatša gore O fa magareng ga rena, a o ka se tle gomme wa Mo amogela bjalo ka Mophološi wa gago? O dira seo.

²⁰⁸ Bjale, bakeng sa letago la Modimo, le Leineng la Jesu Kriste, ke tšeela moya wo mongwe le wo mongwe ka fa ka tlase ga taolo ya Moya wo Mokgethwa. Bjale, le se sepele go dikologa, dulang le homole, ebang thomphokgolo, rapelang. Gomme wena ntle kua bjale, o no rapela, le go re bjale, “Ke ya. . . Morena, modiredi yola ga a ntsebe, eupša a nke ke kgwathe kobo ya Gago, a nke ke Go kgwathe, gona O bolela ka yena, ke tla tseba ke Wena, o a bona,

gobane yoo ke Wena o dirago ka Kereke ya Gago bjalo ka ge a rile O be o le.” Go lokile. A re beng le . . .

209 Wo ka nnete ke mosepelo go kgabaganya mo. Bjale . . . (Ke a go leboga.) Mohumagadi šo yo a sego a tlwaelega ka go felela go nna. Bjale, ke nyaka le boloke Lengwalo le bošegong bjo ka monaganong wa lena, ge le eya gae, balang Mokgethwa Johane 4, še yona, monna le mosadi ba kopana lekga la mathomo. Le a bona, thwi fa, feela tlwa boka mo nakong ya Beibele, Morena wa rena Jesu o kopane le mosadi yoo A sa mo tsebege, ga se a Mo tseba.

210 Bjale, mosadi yo, ga—ga ke mo tsebe, ga se nke ka ke ka mmona. Kafao o no ba mohumagadi tsoko a eme fa. Bjale, a ka no ba . . . Mohlomongwe ke—ke mosedumele wa maemo, a ka no ba a le Mokriste, a ka no ba a le mo—mo mofori, a ka no ba . . . a ka no ba a babja, a ka no ba a emetše yo mongwe gape. E ka no ba bothata bja selapa, e ka no ba bothata bja mašelang. Ga ke tsebe, eupša O a tseba.

211 Bjale, ge ke etla, le go bolela ka mokgwa wo, “Letago go Modimo . . .” Yeo ke . . . Bjale ga ke . . . Elelwang, woo ke Moya wo Mokgethwa, banešu, woo o bolelago seo. Ge nka re, “Letago go Modimo, Kgaetšedi, Morena o nthometše go rapelela balwetši. A o a ntumela?”

O be a tla re, “Ee, ke a go dumela.”

“A o a babja?”

“Ee.”

“Se sengwe sa phošo ka wena?”

“Ya.”

“Ke eng?”

O be a tla re, “Gabotse, ke—ke hwa ka kankere,” goba “ke na le TB,” goba—goba se sengwe boka seo.

212 Ke tla re . . . bea diatlā tša ka godimo ga gagwe, ka re, “Jesu o rile, ‘Maswao a a tla latela bona ba ba dumelago.’ O rile, ‘Beang diatlā go balwetši, ba tla welwa ke maruru.’ Haleluya! Eya o e dumele.” Go ka ba bjalo. O tla ya le go fola le yena, ge a e dumetše.

213 Eupša bjale, a re fetoleng seo bjale, re tlile godimo kgojana gannyane. Bjale, go ka reng ge A eme fa le go mmošša se sengwe seo . . . a nke A mmošše se e lego phošo. A nke A mmošše se sengwe a se dirilego, goba se sengwe a bego a se a swanela go be a se dirile, goba ge eba . . . se a lego sona. Gona ge—ge se se fetilego e le therešo, o tla tseba ge eba yeo ke nnete goba aowa, gomme ka gona, ge A ka kgona go mmošša se se bego se le, gomme ka gona o tla mmošša se se tla bago, se se nago naso nako yeo, a ga se? Yeo—yeo ke yona. Le a bona? Seo se e ntšhetša ntle yohle. Le a bona? Yeo ke yona. A o tla dumela? Yo mongwe le yo mongwe o

a dumela? Go reng ka godimo ka bophagamong, a le tla dumela, bagwera, moragorago kua mafelelong?

214 Bjale, elelwang, ga re mo bjalo ka pontšho ya sefaleng, ye ga se taba ya go dira metlae, e fa go leka go emela Modimo wa Beibele. Gomme Bokriste ke kgogedi, ge bo rerwa bonolong bja bjona le therešo, le a bona, e sego go dira a mangwe a magolo, a go kokomoga, a godimo, mantšu a go rutega. Boka Paulo a rile, “Ga se ka tla go lena ka mkgwa woo, eupša ka maatleng le tsogo ya Kriste, gore tumelo ya lena e ke e thewe ka go seo, gore Jesu Kriste o a phela.” Gomme ka gona ge Jesu Kriste a phela, gomme a kgona go bolela le kgaetšedi wa rena mo, goba, mosadi yo, le go bolela go reng ka seo, gona O no swana ntle fale go lena bjalo ka ge A le fa mo sefaleng, goba e ka ba kae gape. Le a bona? Le dumela seo bjale?

215 Bjale, go no bolela le yena nakwana, feela go kgokagana le moya wa gagwe. Bjale, monna šo le mosadi gape, ba kopana lekga la mathomo bophelong, boka . . . Bjale, nnete, go ne batho ba bantši ntle fale ba rapela, gomme ge ke . . . Morago ga ge la mathomo O hwetša tlotšo fa, gona O a tloga le go ya ntle godimo ga moago. Nnete ka morago ga ge go bile mašego a se makae, gomme yo mongwe le yo mongwe a hwetša, le a tseba, o be a E tlwaetše, dilo boka tšeo . . .

216 Bjale, rena re le basetsebane gomme re sa tsebana seng, ge . . . Eupša Kriste o mo, Yena ke Tsogo, O—O—O rile, “Ke nna Tsogo le Bophelo.” Ka gona O a phela go ya go ile, ka mehla o kgona go dira dipoelano.

217 Gomme go ikweleng Moya wa gagwe wa Bokriste o etla kgahlanong le nna bjale, go nna, go O dira o tsebe gore go na le mo—mo Mokriste. Le a bona? Moya wa gagwe o amogetšwe, ke Mokriste. Gomme kafao gona, le a bona, gore fale, bjale ngwanešu šo le kgaetšedi wa Modimo wa go swana. Le a bona? Gomme o ne tlhoko, ke kgona go bona o—o a hloka, gomme o hloka se sengwe.

218 Gomme bjale, Tate wa Legodimong o šetše a beile tšhelete ka pankeng bakeng sa gago ge A file Morwa wa Gagwe. Eupša bjale, selo sa yona ke, go go dira o be le tumelo ke go tseba gore O mo, o eme mo, gobane o a tseba e swanetše go tla ka maatla tsoko. Yeo ke nnete.

219 Bjale, ge batho ba sa kgona go nkwa, thwi godimo ga mosadi, ge le ka kgona go hlokomela, go na le Seetša sa talamatala. Mosadi o lemoga kudu se sengwe se a kгатlampana, gobane ke a mabose, a mabose ka kgonthe, maikutlo a makgethwa. Ge seo e le nnete, phagamišetša seatla sa gago godimo. O ba go tlotšwa bjale ke Moya wa Modimo. Gomme mohumagadi o tlaišega ka letšhogo, letšhogo le legolo ka kgonthe, gomme . . .

220 Seo ka mehla se a tla. Gobaneng seo se le? Ga se ke thanke seo. Le a bona? O nagana ke thankile seo, ga se ka dira. Le a

bona? Yeo e be e se go thanka, e ka se kgone go thanka. Eupša ke therešo, e ka ba eng e bilego. Ga ke tsebe gore e be e le eng, theipi e na le yona. Eupša eng kapa eng E se boletšego e be e le therešo.

²²¹ Ema feela nakwana. O bonala go ba motho yo mbose, go no bolela. . . Ee, še yona, letšhogo, go tšhoga ka kgonthe, gomme letšhogo lela le befile kudu go fihla le go dira o be bohloko, o ba bohloko. Gomme ka gona o na le se sengwe sa phošo, go phatloga ka letswalong mo. Yeo ke nnete. A yeo ga se nnete? Gomme ga go makatše, o swanetše go dumela, go beng modiredi, moreri wa mosadi. Ga o tšwe nageng ye, o tšwa Missouri. Seo ke O RIALO MORENA. A o a dumela bjale? Sepela, gomme yohle e tla be e ile. Sepela gomme o dumele ka pelo ya gago yohle. Modimo a go šegofatše, kgaetšedi wa ka. [Kgaetšedi o re, “Ngwanešu Branham, Modimo o mpoditše ke tla go bona ge ke tlile.”—Mor.] Ke a go leboga.

²²² Bjale, a o a dumela? Ke ba bakae ba dumelago? Gobaneng, kgonthe. O no se kgone go tlogela go dumela, a o ka kgona? E no ba le tumelo, seo ke sohle o swanetšego go se dira. E no dumela.

²²³ Bjale, re basetsebane seng sa rena. A o a dumela Moya wo Mokgethwa o fa? Bjale, se ke swanetšego go se dira, Kgaetšedi, ke swanetše go go kwela, o a tseba. E swanetše go ba se sengwe seo ke go kwelago bohloko, go na le bontši kudu bja Bokriste bjo bja mahlo a go tonya lehono, bo omile le go ripa. O swanetše go kwela batho. Bjale, feela nakwana.

²²⁴ Go be go le mohumagadi. O rile o tla rapela, le gore Modimo o mmoditše gore o tla tla, goba, go tla go mpona fa. E no tšwelapele o dumela. Seo se a ratega, ge o ka kgona go boloka seo godimo, lephoto lela la kgonthe la tumelo le etla go tšwa go batheeletši gona, seo se lokile. E no tšwelapele o nagana bjale, e no tšwelapele o dumela. O se belaele. E boloke ka pelong ya gago bjale.

²²⁵ Mohumagadi yo, mo, o a rapela, gomme o nyaka go rapelelwa, go tšwa go sehloga godimo ga hlogo ya gago, yeo ke nnete, ka tlase ga moriri wa gago moo o nago le sona se utilwe. Yeo ke nnete, a ga se yona? O a dumela? Go lokile. Gona sepela gomme sehloga se tla go tlogela. . . ? . . . E no ba le tumelo. Dumela ka pelo ya gago yohle. Eba le tumelo bjale, o se belaele. E no homola ka kgonthe gomme o be tlhomphokgolo ka kgonthe.

²²⁶ Go bjang? Re basetsebane seng sa rena gape, ke a dumela. Morena Jesu o a re tseba bobedi, O tseba se o lego fa bakeng sa sona, O tseba tšohle ka ga gago, ga ke dire, eupša O a dira. Eupša ge Morena Jesu a ka nkuollela mathata a gago, a o tla dumela e swanetše go tšwa go Yena? A yeo ke nnete? Go lokile. O no dumela ka pelo ya gago yohle.

²²⁷ Bjale, ka kgonthe ga se wenamong, o ne kgahlego go yo mongwe gape. Yeo ke nnete. Ke monna, gomme monna yola

ke mokgonyana wa gago, gomme mokgonyana wa gago o na le dialesa, gomme o nyaka ke mo rapediša. Seo ke O RIALO MORENA. Tšea sakatuku sela gomme o se bee godimo ga gagwe. Bjale, sepela o dumela bjale.

A o dumela ka pelo ya gago yohle? E no se belaele, eba le tumelo. Bjale, ebang tlhomphokgolo ka kgonthe bjale. Ebang le tumelo, le se belaele le gannyane, dumelang.

228 Go bjang? Re basetsebane seng sa rena, ke a nagana? Eupša Morena Jesu o a re tseba bobedi. Bjale, go logagana, e no ba go tšwa go tšona dipono. Le a bona? E... Ge mosadi yo motee yo monnyane a dirile bokwala go tloga go Morena le Mophološi wa rena, go tla dira eng go nna, modiradibe yo a phološitšwego ka mogau wa Gagwe? O a dumela ge Morena Jesu a ka nkutollela se sengwe ka wena, o tla e dumela. Bjale, e nong go ba tlhomphokgolo ka kgonthe bjale. Feela le se belaele.

229 O na le dilo tše mmalwa tša go fošagala ka wena, selo se tee ke sebudula se se phuhlamego. Yeo ke nnete, a ga se yona? Gomme selo se sengwe, o na le se—se sehloga, gomme se ka mpeng. Yeo ke nnete, a ga se yona? Go lokile. O a dumela bjale gore o ya go ba gabotse? Gona feta kgauswi gomme o re, “Ke a Go leboga, Morena Jesu.” E no se belaele ka pelong ya gago, o ka kgona go ba le se o se kgopetšego. E no dumela bjale ge o etla.

230 Go bjang, Kgaetšedi? O dumela ka pelo ya gago yohle? Gabotse bjale, re tswetšwe mohlomongwe dimaele go arogana, le mengwaga go arogana, gomme mo re kopana lekga la rena la mathomo.

231 Ka mokgwa wo mongwe ke no se kgone go swara seo ka batheeletšing. Fao go yo mongwe ntle kua o a rapela. Bjale, ke monna, eupša nka se kgone go bolela mo e lego, e tšwelapele e etla. Ke monna yo a dutšego thwi mo a ntebeletše thwi go otlologa ka monwana wa ka mo, o tlaišega ka atheraithisi, o dutšego ntle kua. Ee, mohlomphegi, wena. O na le atheraithisi. O dumela ka pelo ya gago yohle. Phagamišetša seatla sa gago godimo. Go lokile, dumela bjale ka pelo ya gago yohle, atheraithisi e tla go tlogela.

232 Ke nyaka go le botšiša se sengwe. O kgwathile eng? Mpotšeng o kgwathile Mang. O dikgato tše masomenne go tloga go nna goba bontši. O kgwathile Mopriska yo Mogolo yola. Mmotšišeng ge eba o be a se a dula fale a rapela. A yeo ke nnete, mohlomphegi? E no dumela ka pelo ya gago yohle. Seo ke sohle o swanetšego go se dira bjale, eba le tumelo.

233 Re basetsebane, ke boletše. Nka se kgone go e thuša, monna yola o tšwetšepele a etla pele ga ka fa, gomme ke mmone, o be a golofetše le a bona le seo, kafao e be e le atheraithisi. O tla ba gabotse gohle ge a no tšwelapele a dumela.

234 Bjale, ge Moya wo Mokgethwa... O a tseba e swanetše go ba maatla tsoko go—go fetišetša se. Gomme bjale, Beibele e rile,

“Lentsu la Modimo ke Mohlathi wa dikgopolo, maikaelelo a pelo.” Gomme ke ka baka leo Jesu a kgonneggo go bona se ba bego ba se dira, le go ya pele, gobane O be a le Lentsu. Ka gona O rile, “Ge le dula ka go Nna, gomme Lentsu la Ka ka go lena . . .” Le hwetša kgopolo bjale? Yeo ke nnete. Tlwa. Ge o ka dumela seo ka pelo ya gago yohle, go tsupuga fao go tla go tlogela. A o a e dumela?

²³⁵ Ke nyaka go go botša se sengwe gape. O motho yo mobose, gomme o na le kgopelo ya go teba pelong ya gago yeo o nyakago go nkgopela go rapela ka yona, gomme o be o boifa ke be ke eya go go feta kgauswi. Ga ke bale monagano wa gago, eupša o nyakile go mpotša se sengwe, a o be o se? O nyaka ke go botše, pele o mpotša? Ke bakeng sa monnamogatša wa gago. Ee, mohlomphegi. Gomme o tshwenywa ke seemo sa go kokomoga. A yeo ke nnete? O dumela ka pelo ya gago yohle, le go ya go e bolela, le go bea diatla tša gago godimo ga gagwe, le go ya pele, gomme go tla mo tlogela gomme o tla fola. Amene.

²³⁶ O a dumela? Amene. Eba le tumelo. O nyaka go ja selalelo sa gago ka khutšo? Mogodu wa kgale wa go tšhoga o a go tlogela? Eya thwi pele go tloga sefaleng, eja selalelo sa gago, e re, “Ke a Go leboga, Morena Jesu.”

²³⁷ Go bjang? O a dumela? O a dumela A ka kgona go fodiša bothata bja pelo? O a dumela A ka kgona go fodiša bothata bja pelo ya gago? Go lokile. Gona eya pele thwi, o re, “Ke a Go leboga, Morena Jesu, bakeng sa—bakeng sa go fodiša bothata bja pelo ya ka, le go ya, go e lokiša.”

²³⁸ Bjale, ge ke boletše seo ka mohumagadi yola, maikutlo a go se tlwaelege ka kgonthe a tlile godimo ga gago, gobane o bile le bothata bja pelo le wena. O a eelwa ke rile o *bile le* bjona. E no tšwelapele o eya. O a bona? E no ba le tumelo.

²³⁹ Selo sa go tlabo, dumela bakeng sa lesea lela gomme e tla le tlogela le lona. Go lokile. A o a e dumela? Go lokile. O kgauswi . . . Ke nyaka go bea diatla tša ka go ngwana.

Sathane, tlemolla ngwana.

Leineng la Jesu Kriste, a nke a fole. Se tshwenyege ka yena. Sepela, o dumela, e tla tloga, a fola.

²⁴⁰ Mohumagadi yo o apešitšwe ke moriti ka kankere, eupša ge o ka dumela ka pelo ya gago yohle, Modimo o tla go fodiša. A o a e dumela? Go lokile, mohlomphegi, eya thwi kgauswi, o re, “Ke a Go leboga, morategi Modimo.” Ke bea diatla godimo ga balwetši, ba tla welwa ke maruru, Leineng la Jesu Kriste.

²⁴¹ Ke no ya go lekola yo motee gatee, le a bona. Go ka reng ge nkabe ke se ka bolela selo go wena, gomme ka no bea diatla godimo ga gago? A o a dumela e tla go tlogela? O tla dira? Go lokile, etla kgauswi. Leineng la Jesu Kriste, a nke a fole. Amene. Go lokile, a nke ke hloidišise . . .? . . . Ebang le tumelo.

242 A o ka dumela selo sa go swana? Go no bea diatla godimo ga gago, gomme o a e dumela? Go lokile. Modimo a go šegofatše. Leineng la Jesu Kriste, a nke a fodišwe. Maswao a a tla latela bona ba ba dumelago.

243 Go ka reng ge ke boletše selo sa go swana go wena, a se tla go thuša? Bjale, o na le bothata bja sehumagadi, eupša selo se segolo sa gago ke bothata bjoo bja pelo bjo o tshwenyegago ka bjona ka mokgwa woo, gobane ke letšhogo ka pelong ya gago.

244 Ema motsotso feela, motsotso feela. Se sengwe se diregile. Yo mongwe le yo mongwe tlh- . . . tlhomphegolo ka kgonthe bjale. E ka go batheeletši. Še yona. Ke mohumagadi yola a dutšego thwi hleng fale, a rapelelago monnamogatša wa gagwe yoo a nago bothata bja pelo. Ge o dumela ka pelo ya gago yohle, monnamogatša wa gago o tla fola. O se e belaele, dumela ka pelo ya gago yohle.

Ya gago e ile. E no ba le tumelo bjale gomme o se belaele.

245 Go bjang? O a dumela Modimo a ka mpošša se e lego phošo ka wena? Ge eba ke a dira goba aowa, ge eba O a dira goba aowa, a ke re, o tla dumela tsela e ka ba efe, a o ka se ke? O tla dira. Ge nka no bea diatla godimo ga gago, o a dumela gore swi- . . . Kafao. . . Ke bolwetši bja swikiri. Ke go boditše, ke be ke sa re. . . Ke be ke šeditše tšheke yela ya madi, ke se e bego e le sona, tšheke ya swikiri kua gomme ke bone gore e. . . A o dumela ka pelo ya gago yohle?

246 Monna yo a dutšego thwi morago go otlologa, ya, thwi ka morago ga Ngwanešu Sothmann kua, o na le bothata ka maoto a gagwe. Ge o ka dumela ka pelo ya gago yohle, mohlomphegi. . . O na le tumelo ye ntši go feta ka mo o bego o gopola gore o be o na le yona. Phagamišetša seatla sa gago godimo. Go lokile. Go fedile ge o ka e dumela. Amene. A re reng, "Tumišang Morena."

247 A seo se be se sa tlabe, gore go tla ga gagwe thwi morago kua nako ya go swana? Le a bona? Gobaneng E mmoditše nako ya go swana wena? Ke nno nyaka o tsebe gore o bile le tumelo le wena. Amene.

Le a Mo rata? Ebang le tumelo bjale, le se belaele.

Mohumagadi a dutšego thwi godimo *fale* o ne bothata ka maoto a gagwe le yena. Ge o dumela ka pelo ya gago yohle, o ka ba le phodišo ya gago.

248 Gomme yo motee yola o tlogile. . . o dutše thwi morago *fale* o na le bothata bja pelo. Ee, mohlomphegi. Dumela ka pelo ya gago yohle? O. . . Ya. O na le karata ya thapelo? O na le karata ya thapelo? O ka se swanele go e šomiša bjale, tumelo ya gago e e dirile.

A o a dumela?

249 Go bjang, Mohlomphegi? Re basetsebane seng sa rena, eupša o a dumela gore Modimo a ka nkutollela mathata a gago? A o

ka . . . A o tla . . . Seo se tla . . . Nka se kgone go go fodiša, nnete, o tseba seo, ke nna—ke nna ngwaneno. Nka se kgone go go fodiša, eupša O šetše a e dirile, O no nyaka o tsebe gore O gona. A o dumela seo? Go lokile, mohlomphegi. Morena a be le wena.

²⁵⁰ O na le bothata bja pshio, bothata bja sebudula, o sa tšo ba le karo. Yeo ke nnete. A yeo ga se nnete? O ka se sa swanela go ba le yona gape. Sepela, o dumela, fola, Leineng la Morena Jesu. Modimo a go šegofatše. [Ngwanešu o bolela le Ngwanešu Branham—Mor.] Amene.

O nyaka go tumiša Morena. O rile nkile ka mmitša pele felotsoko, gomme o fodišitšwe gomme o sa na le phodišo lehono, o swere gabotse.

²⁵¹ Ke ba bakae ba dumelago? “Bahlomphegi, re rata go bona Jesu.” Le a e dumela? A O a swana maabane, lehono, le go ya go ile? A Lentšu la Gagwe le sa swana? Bjale, ke badumedi ba bakae ba lego ka fa? Phagamišetša seatla sa gago godimo.

²⁵² Bjale, a Jesu ga se a fa Kereke ya Gagwe thomo ye ya mafelelo, “Eyang lena ka lefaseng lohle, gomme le rere Ebangedi. Maswao a a tla latela bona ba ba dumelago”? Badumedi, a yeo ke nnete? Ge ba bea diatla tša bona go balwetši, go tla direga eng? Ba tla welwa ke maruru.

²⁵³ Bjale, ke nyaka le bee diatla godimo ga lena seng, godimo ka bophagamong, tlase ka mo. Yo mongwe le yo mongwe wa lena badumedi, e nong go beana seatla sa lena godimo ga lena seng. Yeo ke nnete. Feela yo mongwe a dutšego hleng le wena fale, pele ga gago, morago ga gago, goba felotsoko, e nong go beana diatla seng sa lena, le badumedi. Kafao gore, ke nyaka le bone bjale gore ga e no ba godimo mo, O ntle kua, O mogohle. A o a dumela? (Sakatuku . . . ? . . .)

²⁵⁴ Godimo bophagamong, a le komana, beanang seatla sa lena go lena seng? Bjale, inamišang dihlogo tša lena mogohle. E nong go beana diatla seng sa lena gomme le inamiše dihlogo tša lena. Bjale, Jesu wa rena yo a netefatšago go lena gore O mo thwi bjale, O mo, Moya wa Gagwe. O rile, “Re rata go bona Jesu.” Šo Yena, o šoma thwi ka Kereke ya Gagwe, batho ba Gagwe.

²⁵⁵ Bjale, nka se kgone go dira seo nnamong, yeo ke tumelo ya gago le wena. Ga go kgathale ke na le tumelo ye kae, o swanetše go ba le tumelo le wena. Le a bona? Gomme tumelo ya gago e Mo kgwathile, gomme ka mpho ye A mphilego yona, e no bolela morago Mantšu a Gagwe go wena. Le a bona?

²⁵⁶ Bjale, ke tsopola Mantšu a Gagwe go tšwa Beibeleng, “Leswao le le tla latela bona ba ba dumelago. Ge ba bea diatla tša bona go balwetši ba tla welwa ke maruru.” Bjale, ke nyaka yo mongwe le yo mongwe wa lena . . . Le se ithapelele lenabeng, gobane motho yo a nago le diatla tša bona godimo ga gago o a go rapelela. O a ba rapelele.

257 Bjale, ke nyaka le rapele ka tsela ye le dirago ka kerekeng ya lena. O no thoma go rapela bjale, bakeng sa motho yola, o re, “Morena Modimo, ke nna modumedi, ke a tseba gore O gona. Ke bea diatla tša ka godimo ga moagišani wa ka mo, gomme ke nyaka ba fodišwe.” Gomme ba a go rapelela, gomme ke ya go rapelela yo mongwe le yo mongwe wa lena.

258 Tate wa rena wa Legodimong, re a batamela bjale, gape, ka morago ga tirelo, go bona gore O dira dilo tšohle gabotse. Re a dumela beke ye gore digole, dihlotša, difofu, digole, dikgobadi di tla fodišwa ke maatla a Gago, gomme di tla thakgafatšwa. Dipelo tša badiradibe di tla hlapišwa ka Madi a Jesu Kriste. Gosedumele go tla nyamalala ka go tsošeletšo ye kgolo ya maatla a Modimo, Morwa wa Modimo.

259 Gomme bjale, badumedi ba, mo, ba na le diatla tša bona yo motee godimo ga yo mongwe. Gomme Jesu, Yo e lego motlalagohle, gomme o netefadišwe gore O mo ka otithoriamong ye, bošegong bjo, O mo. Re na le diatla di beilwe godimo ga rena seng, gomme ke a ba rapelela, ba rapelelana seng. Gomme bjale, Tate, re tla go dumela gore O ya go dira bolwetši bjo bongwe le bjo bongwe go nyamalala go tloga lefelong le, motho yo mongwe le yo mongwe a babjago go fodišwa.

260 Sathane, re retologela go wena, wena yo mogolo, setswerere, wa go rutega, rafilosofi, mofori, go leka go ganetša Lentšu la Modimo, Lentšu le dirilwe go bonagala. Re tla go kopana le tlhohlo ya gago Leineng la Jesu Kriste, Yo a bapotšwego, o hwile, o tsogile gape letšatšing la boraro, o fentše godimo ga diabololo yo mongwe le yo mongwe, letimone le lengwe le le lengwe, maatla a mangwe le a mangwe o kilego wa ba le wona, re go hlobola go tloga go tokelo ye nngwe le ye nngwe ya semolao o bilego le yona, gobane O lefile tefo, gomme o rekile Kereke ya Gagwe morago ka topollo. Gomme, bošegong bjo, re batho ba ba lopolotšwego, gomme o lahlegetšwe ke ntwana.

261 Etšwa go batho ba, Leineng la Jesu Kriste, ba tlogele. Diatla tše kgethwa tša badumedi di beilwe godimo ga badumedi ba bangwe, gomme o lahlegetšwe ke ntwana, gomme Kriste o mo go netefatša Yenamong o tsogile go tšwa bahung ka morago ga mengwaga ye dikete tše pedi gomme o sa phela go ya go ile. Re a go leleka, ka Modimo yo a phelago, tlogela batho ba, tšwela ka ntle ga bona Leineng la Kriste.

262 Monna yo mongwe le yo mongwe le mosadi yo mongwe le yo mongwe, modumedi yo mongwe le yo mongwe bjale, ka diatla tša lena godimo ga lena seng, le tswaleletšwe ka gare, dumelang. Kriste o kgauswi bjale, le Mmone a sepela sefaleng, ntle ka go batheeletši ka Lentšu la Gagwe la go se palelwe. Thapelo ya tumelo e rapetšwe ke kanala ya go swana ye A boletšego ka yona, go tšea dipounama tša motho le go sepela,

Ramaatlakamoka Modimo o a utolla, a ipontšha Yenamong gore O a swana maabane, lehono, le go ya go ile.

²⁶³ Ga o magareng ga sehlopha sa basedumele, ga o sehlopha sa batho ba bohlale, le dutše magareng ga bakgethwa, ba bomodimo, le tsogile le Kriste, le dutše ka mafelong a Magodimong. Banna le basadi ba bakgethwa ba na le diatla tša bona di beilwe godimo ga lena, ba rapela thapelo ya tumelo, Sathane o fentšwe Leineng la Jesu Kriste, Madi a phophothilwe.

²⁶⁴ Bjale, phuleletša ka godimo ga gago, ka tumelo, leswiswi lela leo le tla go dirago o belaele selo se tee sa Bogona bja Modimo, gomme phodišo ya gago e tla ba nnete. E dire bjale, ge re sa inamišitše dihlogo tša rena, re tswaleletšwe ka gare le Yena.

²⁶⁵ Gomme re nyaka go opela, ge mmapadi a ka re fa tšhune ye nnyane fao, khote ye nnyane, “Ke a Mo rata, ke a Mo rata gobane O nthatile pele.” Tšwelangpele dihlogo tša lena di inamišitšwe bjale, mahlo a lena a tswaletšwe. Mo rapeleng bjale. Bea diatla tša gago go moagišani wa gago—wa gago, bea diatla tša gago go moagišani wa gago bjale, tswalelelwa ka gare le Kriste.

²⁶⁶ Senyakwa se sengwe le se sengwe se dirilwe, go no swana le ge o ile gomme wa ipolela dibe tša gago gomme o be a eme bokagodimo ga meetse, gomme modiredi tsoko wa bomodimo o bile le wena ka seatla, o be a eya go go kolobetša, selo sa go swana. Lentšu le dirwa go ba kgonthe, go bonagala.

²⁶⁷ O rile, “Re tla rata go bona Jesu.” O inetefaditše ka Boyenamong magareng ga lena, ke Mmone, Le Mmone; ke Mo kwele, Le Mo kwele. Šo Yena, O fa.

Ke a Mo rata, ke a Mo rata

Yo mongwe le yo mongwe bjale, o a opela.

Gobane O nthatile pele

Gomme a lefela phološo ya ka (Elelwang, lebaka le le fetilego.)

Godimo ga wa Khalibari. . . (Phološo ya soulo goba mmele wa gago, kae?) Godimo ga mohlare wa Khalibari.

Gape bjale, pelo ya gago yohle.

Ke a Mo rata, ke rata. . . (A o kwa Bogona bja Gagwe, mabokwala a Gagwe a phodišo a etla ka go wena ka gore o a Mo dumela?)

. . . nthatile pele

Gomme a lefela phološo ya ka

Godimo ga mohlare wa Khalibari.

Bjale, ge re sa e hama.

Ke a Mo rata, ke a Mo rata (Bjoo ke Bogona bja Gagwe le wena.)

Gobane O ratile pele. . . (Bjale, O dirile eng fa?
 O lefetše phodišo ya gago. O dirile eng?)
 Gomme a lefela phološo ya ka
 Godimo ga mohlare wa Khalibari.

268 Bjale, ge okene e tšwelapele e bapala, lena ba le ikwetšego ka pelong ya lena tumelo yela. . . Ga go kgathale le ikwa bjang, ga se ka mokgwa wo o ikwelago, o a tseba, nameng, ke tumelo ya gago. O ikwetše ka pelong ya gago gore Modimo o be a le gona le wena go fihla o bone, o bona Lentšu la Gagwe leo le rerilwego, le dirwa go bonagala, o a tseba gore ka godimo ga moriti wa pelaelo gore Kriste yo mogolo wa kagodimogatlhago yo a tsogilego go tšwa bahung, mengwaga ye dikete tše pedi ya go feta. . . [Lefelo la go se be le selo godimo ga theipi—Mor.] . . . o sa phela, bošegong bjo, gomme thwi fa ka Kerekeng ya Gagwe. Gomme re kgauswi le nako ya bofelo.

269 Ge o se Mokriste, gomme o nyaka go ba Mokriste, a o ka na o ema ka maoto a gago gomme wa re, “Ke nyaka go Mo amogela bjalo ka Mophološi wa ka.” A o tla ema, bao ba ka nyakago go dira seo ka nako ye? “Ke a Mo rata. Ge A ka kgona go tla mo, le go tseba sephiri sa pelo, le go dira Lentšu la Gagwe kgonthe kudu gore ga go yo a ka go le belaela. . .” Le thwi fa pele ga rena.

270 Ke lebeletše batho ba babedi bao ba swanetšego go tsoga. Bjale, le no. . . Modimo a le šegofatše. Go lokile. Modimo a go šegofatše. E no emelela, moisa yo moswa. Go lokile. Yo mongwe gape bjale, e no emelela, o re, “Ke ema nnamong go dira hlatse, ke nyaka go Mo amogela bjalo ka Mophološi wa ka. Ke a Mo nyaka, ge ke sa le kgauswi le Yena, Bogona bja Gagwe bo fa, ke Mo nyaka bakeng sa Mophološi wa ka.”

271 Yo mongwe gape? E tla pele bjale. Modimo a go šegofatše, moisa yo moswa. Yeo e lokile. Emelela ka maoto a gago gomme o re, “Ke nyaka go—ke nyaka go E amogela. Ke nyaka go dira pontšho gore—gore ke. . . gore ke nyaka go netefatša ke komana go Mo emela.” Yo mongwe ka bophagamong? Ke mohuta wa leswiswi godimo ka ntlhoreng kua. Dumela ka pelo ya gago yohle.

272 Ge o se Mokriste, a o tla Mo amogela ka Bogoneng bjo? E tla pele bjale, o a tseba gore o ikwela gore o swanetše go e dira, phagamela godimo. Go lokile. Bjale, bohle ba nyakago go Mo amogela bjalo ka. . . Modimo a go šegofatše. Modimo a go šegofatše, Kgaetšedi. Go a makatša. Seo ke se sebotse, Mokriste yo mokaone. Ke ba bakae ba tla phagamišetšago diatla tša bona go seo? “Ke nyaka go ba Mokriste yo mokaone.” Modimo a go šegofatše. Seo se bose, se bose kudu.

273 Le a bona, o hwetša motheo woo, gomme Modimo, go boneng gore re leka go thopela disoulo go Yena, seo se tla Mo dira a tle morago gosasa bošego ka karolo gabedi ya yona, le a bona, ge re netefatša go Yena gore re hloketše ka go leka go dira tšohle re

kgonago, go dumela se A re direšego. A le dumela se... E bile Modimo yo a dirago dilo tše? Le a bona, re nyaka go e amogela, go e gokara ka pelo ya rena yohle, le go re, “Morena Jesu, ke a go rata.”

²⁷⁴ Bjale, ge o ka no tšwelapele o dumela seo, o tla bona dilo di direga tšeo o sa nkago wa nagana di tla direga. Le a bona? Le no šetša se se diregago. E nong go ya mogaleng felotsoko gomme le hwetše yo mongwe a etla.

²⁷⁵ Bjale, lena bohle, ke a le nyaka, gore lesogana le, ba le emego morago kua go amogela Kriste bjalo ka Mophološi wa Gagwe, ke nyaka ba bangwe ba lena Bakriste go ba le nnete gore lesogana lela le tla go modiredi gonabjale gomme la ba komana, gobane... bakeng sa kolobetšo, le e ka ba eng gape, go amogela Moya wo Mokgethwa bjale.

²⁷⁶ Gomme lena bohle bjale ba le dumelago seo, ka Bogoneng bja Kriste, gore o Mo amogela bjalo ka Mofodiši wa gago, ke nyaka o eme, gore le bile le diatla seng sa lena, yo mongwe o bile le diatla go wena, gomme o a dumela gore o ka kgona go Mo amogela bjalo ka Mofodiši wa gago, ema ka maoto a gago ka nako ye. Nno bona ke mohuta ofe wa tumelo o ka go e netefatša go Modimo gore, “Ke a dumela.” Yeo ke nnete. Lebogang Morena. Gabotse. Amene. Seo se a makatša.


²⁷⁷ Theetšang, kereke ye nnyane, le boloka mohuta wola wa tumelo o sepela, gomme la tšwela ntle tikologong fa le go dira mošomo tsoko, bjale yo mongwe le yo mongwe wa lena eba moreri, hwetša yo mongwe. Bjale, a ga le... Ke ba bakae ba ikwelago gabotse, gomme ba ikwela boswa ka morago ga ge o Le amogetše? E no phagamiša seatla sa gago. Le a bona, e no ba ditiro tša Modimo, Modimo a dira se. Ke Mo rata ka pelo ya ka yohle. Bjale, bohle mmogo bjale, a re opeleng.

Ke...

Bjale a re phagamišeng diatla tša rena ge re sa e dira.

... Mo rata, ke a Mo rata

Gobane Yena (Modimo a go šegofatše

Ngwanešu...?...) pele... 

62-0718 Jesu Kriste Wa Go Swana
Maabane, Lehono, Le Go Ya Go Ile
National Guard Armory
Salem, Oregon U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org